



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

IV. Scriniolum spirituale. Scriniolum spirituale, in quo quilibet Christianus invenire poterit exercitia sibi multùm accommoda.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

HLUDOWICI BLOSI  
CONCLAVIS  
ANIMÆ FIDELIS

PARS QUARTA.

SIVE

SCRINIOLVM  
SPIRITVALE,

IN QVO

QVILIBET CHRISTIANVS IN-  
VENIRE POTERIT

EXERCITIA SIBI MVLTVM  
ACCOMMODA.

- I. Brevis commemoratio Vitæ CHRISTI, in xxix. articulos partitæ.
- II. Doxologiæ xii. seu gratiarum actiones in Vitam & Passionem CHRISTI.
- III. Precationes admodum piæ & utiles.
- IV. Sertum B. Virginis MARIÆ quinquepartitum, Vitâ & gestis IESV CHRISTI pulchrè exornatum.
- V. Alia Orationum Exercitiola, non contemnenda neque parvipendenda.
- VI. Brevis & absoluta, multumque salutaris doctrina.
- VII. Epistola D. HLudovici Blofij.
- VIII. Aliquot dicta D. Henrici Susonis.

PRÆ-





## PRÆFATIO.

1.  
Frequen-  
ter oran-  
dum, etiã  
ex Exer-  
citijs Ser-  
nicii.



VI desiderat proficere in veris virtutibus, ac placere Deo, frequenter orare debet, si otium ei suppetit. Nam diligens orandi studium invehit in animam quidquid ei utile ac salutare est. Ad quam rem poterunt parvulis vel imperfectis usui esse pia Exercitia hinc conscripta.

Scrinio  
lum Spi-  
rituale

2.  
Oratio  
Dominica  
com-  
mendatur  
& salu-  
tatio An-  
gelica.

Quia verò nulla oratio dignior aut perfectior est Precatione Dominica, eam Christianus homo unice charam habeat, itemque Salutationem Angelicam. Purè amet religiosèque veneretur virginem Mariam, Dei & omnis gratiæ Matrem dulcissimam.

Quamvis autem interim, dum orat vel Deum laudat, non possit forte levare animam suam ad illum, nisi infirmè, frigide, instabiliter & obscure; levet nihilominus eam humiliter, sicut ipse Dominus gratiam ac vires largiri dignatur. Si enim bona voluntate præditus fuerit, & fecerit quod in se est, omninò gratus erit Deo. Etiam si ad honorem & laudem Dei simpliciter tantum verba sancta in libello legerit, non poterit non eximum fructum ex hujusmodi lectione referre.

3.  
Etiã  
perfecte  
orantes  
amat Us-  
us, ubi vi-  
det bonã  
volunta-  
tem.

Sed necesse est, ut perseveret in pijs petitionibus, & longanimis atque resignatus sit, committens Deo quid, quantum & quando ipse sibi oranti concedere velit. Nam sæpè Deus utiliter admodum differt dare quod petitur, vel etiam in hac vita illud non donat: semper tamen præstat quod expedit saluti ejus qui humiliter orat. Ceterum in aeterna

4.  
Perseve-  
randum  
amen, us  
Dei po-  
tentes ex-  
audiatur.

vita cumulatisimè adimplebit omnes convenientes petitiones, omniaq; desideria electorum suorum.

BRE



## I.

BREVIS COMMEMORATIO  
VITÆ CHRISTI  
IN XXIX. ARTICULOS  
PARTITÆ.

## ARTICVLVS I.

Christi  
incarna-  
tio, con-  
ceptio, ge-  
statio in  
utero.

**D**ULCIS IESVS, filius  
Dei vivi, Deus altis-  
simus, creator cæli &  
terræ, propter nimi-  
am charitatem quâ me  
dilexit, voluit de Spiritu sancto  
concipi & incarnari in castissimo  
beatæ Mariæ Virginis utero; in  
quo etiam novem mensibus ha-  
bitavit. Deus meus semetipsum  
exinanivit, & formam servi acci-  
piens, factus est frater meus, ut me  
ad cæleste regnum suum reduce-  
ret. O pietas ineffabilis, & be-  
neficium inæstimabile! Quid  
retribuam Domino meo? Offero  
& resigno me totum in ejus bene-  
placitum. Ipsi laus, honor & glo-  
ria in sæcula, Amen.

Nativi-  
tas in pas-  
pere sta-  
bulo.

## Articulus II.

Dulcis IESUS, Rex gloriæ, cau-  
sâ salutis meæ natus est tener in-  
fantulus in abjecto stabulo, sæ-  
vientie hyemis asperitate: invo-  
lutus est panniculis, reclinatus est  
in præsepio jumentorum, jacuit  
super fœnum & stipulas, lactatus  
est uberibus pauperulæ matris.  
Tantam egestatem subiit pro me  
Filius Dei. Ipsi laus, honor &  
gloria in sæcula, Amen.

## Articulus III.

Dulcis Iesus octavo à nativita-  
te sua die circumcisus est, Virgine  
Matre illi intimè condolente.  
Circumcisus est, & purissimum  
Sanguinem suum fudit pro me  
vilissimo: vocarique voluit Ie-  
sus (id est, Salvator) ad conso-  
lationem meam. Deinde Gen-  
tibus revelatus est, quando Magi  
ad ipsum puerulum adorandum  
stellâ duce venerunt in Bethleem,  
& cum gaudio ac reverentia mu-  
nera ei obtulerunt, aurum, thus,  
& myrrham. Ipsi laus, honor &  
gloria in sæcula, Amen.

## Articulus IV.

Dulcis Iesus præsentatus est in  
templo, atque hostiâ pauperum  
fuit redemptus. Fugit in Ægy-  
ptum, ibique paupertatis incom-  
moda cum Maria & Ioseph susti-  
nuit. Eisdem Mariæ & Ioseph  
subditus fuit atque obedivit.  
In sacra infantia, pueritia,  
& adolescentia sua plurimas ne-  
cessitates tribulationesque per-  
pessus est pro salute mea. Ipsi  
laus, honor & gloria, in sæcula,  
Amen.

## Articulus V.

Dulcis Iesus, cum esset fere tri-  
ginta annorum, humiliter susce-  
pit Baptismû à servo suo Ioann-  
lejunavit quadraginta diebus &  
quadraginta noctibus, habitans  
cum feris in deserto. Conditor  
orbis, Rex Angelorum, Deus  
omnipotens, non dedignatus est  
tentari à diabolo propter me.  
Ipsi



Scriniolum Spirit. Tentatio  
Ipsi laus, honor & gloria in sæcula, Amen.

Articulus VI.

*Labores. Vigilia. Prædicationis. Miracula.*  
Dulcis Jesus pro salute meam iteribus, vigiliis, laboribusque fatigatus est. Prædicavit, miracula edidit, beneficia impendit. Famem, sitim, frigus & æstum pertulit. Innumeras ærumnas, innumerasque persecutiones, triginta tribus annis mitissimo corde toleravit, ac tandem venit Jerusalem, ut moreretur pro me. Ipsi laus, & gloria in sæcula, Amen.

Articulus VII.

*Latro pendum in Gana.*  
Dulcis Jesus, Rex regum, & Dominus summæ majestatis, præcinxit se linteo, misitque aquam in pelviam: ac positus genibus, humiliter lavit pedes discipulorum suorum, eosque linteo extersit. O quale exemplum mihi dedit Dominus Deus meus! Ipsi laus, honor, & gloria in sæcula, Amen.

Articulus VIII.

*Eucharistia in Tentatio.*  
Dulcis Jesus, ex immenso amore quo nos tenerrimè diligit, venerabile Sacramentum Eucharistiæ instituit, seipsum in illo stupenda liberalitate suavissimaque charitate nobis donans atque relinquens. Ipsi laus, honor & gloria in sæcula, Amen.

Articulus IX.

*Agonia in hortu. Resignatio ad calicem.*  
Dulcis Jesus in hortu Oliveti perveniens, cœpit pavere ac mœstus esse: aded ut diceret: *Tristis est anima mea usque ad mortem.* Flexit humiliter genua super terram,

& procidens in faciem suam, oravit Patrem tertio. Iple propter me summè afflictus, plenissimè se Patri resignavit, dicens: *Pater, non mea sed tua voluntas fiat.* Præ vehementia angustiarum, quibus mitissimum cor ejus premebatur, sudavit toto corpore sudorem sanguineum, ita ut guttæ decurrerent in terram. Ipsi laus, honor & gloria in sæcula, Amen.

Articulus X.

*Sudor sanguineus.*  
Dulcis Jesus, summo desiderio me redimendi & pro me patiendi ardens, processit obviam inimicis suis, benignissimeque eos allocutus est. Non recusavit à Juda proditore osculum accipere, atque ab impiis hominibus ignominiosè tanquam latro comprehendi ligarique, ut ego à vinculis peccatorum meorum absolverer. Ipsi laus, honor & gloria in sæcula, Amen.

Articulus XI.

*Osculum iuda. Captivitas.*  
Dulcis Jesus, vincus ut malefactor, adductus est cum opprobrio ad domum Annæ, indeque ad domum Caiphæ Pontificis. Benignus & suavissimus Dominus traheretur, propellebatur, tundebatur, & blasphemabatur à satellitibus diaboli; sed omnia illa gravia atque indigna, amore mei patientissimè tolerabat. Ipsi laus, honor & gloria in sæcula, Amen.

Articulus XII.

*Trahitur ad Annam & Caipham.*  
Dulcis Jesus, Dominus dominantium, diram & atrocem alampam sibi à servo Pontificis iniqui.



Scriniolum Spirit.

Patientia infabilis.

Accusatio apud Caiphā. Sputa. Colaphi.

Mausuetudo.

Opprobria.

Coram Pilato silentium

Iluso ab Herode.

quissimè datam, modestissimè pro salute mea petulit. Et quomodo ego posthac non vicissim pro illius amore patienter feram injurias mihi irrogatas? Peto, opto, desidero, gratiā ejus roborari atque confirmari. Ipsi laus, honor & gloria in sæcula, Amen.

*Articulus XIII.*

Dulcis Jesus in domo Caiphæ falsò acculatus est, injustè condemnatus est, foedè consputus est, horribilesque colaphos & alapas accepit. Ludibriosè velatus est, cædentibus eum impiis, & subfannando dicentibus, *Prophetiza nobis Christe, quis est qui te percussit?* Ah! Regia illa & amabilis ejus facies, putentibus sputis pro me foedata est. Ipse Agnus mitissimus intereà cõquestus nõ est; sed patientiam docens, obmutuit & non aperuit os suum. Convitia, contumelias, opprobria & qualibet injurias in silentio toleravit propter me. O! quàm malè & indignè nocte illa tractatus fuit! Ipsi laus, honor & gloria in sæcula, Amen.

*Articulus XIV.*

Dulcis Jesus, Sanctus sanctorum, & Rex Angelorum, consputus ac vinctus, manè ductus ad Pilatum, & coram eo vultu benigno oculisque demissis stetit. Cumque falsò à Judæis accusaretur, humiliter tacuit, nihil respondens. Ipsi laus, honor & gloria in sæcula, Amen.

*Articulus XV.*

Dulcis Jesus ligatus ut latro,

missus est à Pilato ad Herodem. Qui videns eum ad vanas suas interrogationes & ad falsas Judæorum accusationes silentem, sprexit illum, ac veste alba ridiculaque tanquam fatuum induit, atque ita ad Pilatum remisit. Amabilis Dominus pro voluntate inimicorum suorum progrediebatur sine contradictione, permittens ut in se facerent quidquid volebant. O quàm humilis obedientia & patientia Regis æterni! Ipsi laus, honor & gloria in sæcula, Amen.

*Articulus XVI.*

Dulcis Jesus in prætorio probrosè nudatus est, ad columnam inclementer nudatus est, flagra crudelissimè dilaceratus est pro me. Virginea delicataque caro ejus tota livoribus ac plagis deformata fuit, & ex ea rivuli pietiosissimi Sanguinis undique decurrerunt in terram. O quàm acerbi dolores, & quàm miserandum spectaculum. Verè, ille vulneratus est propter iniquitates meas, attritus est propter scelera mea, & livore ejus sanatus sum. Ipsi laus, honor & gloria in sæcula, Amen.

*Articulus XVII.*

Dulcis Jesus chlamyde coccinæ ad majus opprobrium vestitus fuit. Corona spinea venerando capiti ejus impressa est: sicque capite graviter sauciato, purissimus Sanguis in amabilem faciem collumque illius uberrimè defluxit. Posita fuit arundo in manu ejus: & ipse nugatoriè salutaris

ado-



*Scriniolum Spirituale.*  
*Ave Rex.*  
 adoratusque est ab iniquis eum irridentibus atque dicentibus, *Ave Rex Judeorum.* Percussus fuit arundine, consputus est, & diras alapas accepit propter me. Ipsi laus, honor & gloria in sæcula, Amen.

*Articulus XVIII.*

*Ecce homo.*  
*Crucifige.*  
*Speculatio doloris ad movendam amoris passionem.*  
 Dulcis Iesus foras à Pilato productus fuit, & furentibus Iudæis exhibitus est, gestans coronam spineam, purpureumque vestimentum. At illi magnis vocibus perierunt ut crucifigeretur. Caput spinis oblitum, facies cruore tincta & consputa, corpus flagris cõscissum, humilis ac placidus aspectus Domini JESU non emollierunt eos ad miserationem: utinam: moveant me ad intimam compassionem & ardentem ejus dilectionem! Ipsi laus, honor & gloria in sæcula, Amen.

*Articulus XIX.*

*Voluntati Iudæorum traditus.*  
*Oscatio crucis.*  
*Iter Calvarie.*  
*Pondus crucis: imò peccatorum.*  
 Dulcis Iesus, morti à Pilato adjudicatus, & voluntati Iudæorum traditus est. Mox ergo eum illi rapuerunt, & trabe crucis oneratum extra civitatem pertraxerunt. Suavis Dominus laceris humeris crucem bajulans propellebatur, cædebatur, & ut acceleraret trahebatur. Amabilis Redemptor factus opprobrium hominum, & abjectio plebis, humiliter gradiebatur pergebatque ad Calvarie locum. O! quantum eum gravabat & affligebat pondus crucis, magis verò pondus peccatorum meorum! Sed ille causa salutis meæ omnem labo-

rem & dolorem, omnemque confusionem libenter tolerabat. Ipsi laus, honor & gloria in sæcula, Amen.

*Articulus XX.*

Dulcis Iesus in montem Calvarie fessus & anhelus perveniens, oblatum sibi vinum myrrhatum cum felle mistum gustare nõ recusavit, ut hac potus amaritudine expiaret culpas, quas ego incontinenter edendo ac bibendo contraxi. O! qualis refectio Domini mei! Ipsi laus, honor & gloria, in sæcula, Amen.

*Articulus XXI.*

Dulcis Iesus in loco Calvarie dedecorose nudatus est, & ex vestimentorum detractioe plagæ ejus renovatæ fuerunt. Mitis & innocens agnus Dei, inclementer à sævis hominibus in cruce extensus fuit. Delicatæ manus & incontaminati pedes ejus diris clavis crudeliter perforati sunt. Compages sanctissimorum membrorum illius miserabiliter solutæ fuerunt. Purpureus sanguis è Vulneribus sacris velut è fontibus largiter profluxit. O! quam durum habuit lectum sponsus animæ meæ extensus in cruce, crucique affixus pro me! Ipsi laus, honor & gloria, in sæcula, Amen.

*Articulus XXII.*

Dulcis Iesus pendens nudus in ignominioso stipite crucis, pendens medius inter duos latrones, transfixis manibus ac pedibus, pretiosissimum cruorem fudit, amarissimosque dolores sustinuit

Y y 2 pro me.

*Scriniolum Spirituale.*

*Monte Calvarie. Vinum felleum.*

*Denudatio.*

*Extensio in cruce. Terebratio. Fontes sanguinis.*

*Lectus sponsi.*

*Crucifixio inter latrones.*



Scrini-  
um Spi-  
rituale.

Probra  
& blas-  
phemia.

Oratio  
pro hosti-  
bus.

Paniten-  
tia latro-  
nis.

Gladius  
matri.

Ioannis  
legatum.

Crucia-  
tum trium  
horarum.

Mars.

Descen-  
sus in  
Limbum

Patribus  
in Limbo  
donatum  
lumen  
gloria.

pro me. Subannabatur, blasphemisq̄ impetebatur: sed interim orabat pro blasphemantibus, orabat pro crucifixoribus suis, dicens: *Pater, dimitte illis, non enim sciunt quid faciunt.* Ipsi laus, honor & gloria in sæcula, Amen.

*Articulus XXIII.*

Dulcis Jesus, contemptus & vulneratus pendens in cruce latroni pœnitenti paradysum benignè promisit. Virgineæ matri juxta crucem adstanti, & doloris gladio penetratæ, intimè compassus est, ipsamq̄ discipulo Joanni commendavit, & eidem Joanni ac nobis omnibus illam donavit in matrem. Ipsi laus, honor & gloria in sæcula, Amen.

*Articulus XXIV.*

Dulcis Jesus cùm immensos cruciatus tribus horis in cruce pro me tolerasset, ac sacrosancto sanguine suo fuso vehementissimè litiret, aceto potatus est. Quo gustato, ipse vivificator omnium commendans se Patri, & caput venerandum inclinans, emisit spiritum. Ipsi laus, honor & gloria in sæcula, Amen.

*Articulus XXV.*

Dulcis Jesus mox ut in cruce mortuus fuit, descendit secundum animam ex summa charitate ad inferos, & Patres in limbo detentos liberavit. Illi enim, ad adventum animæ ejus, statim lumine gloriæ completi sunt, & viderunt beatissimam Trinitatem,

viderunt clarè divinam essentiam. Atque hæc erat spiritalis paradysus, de qua Dominus dixerat latroni, *Hodie mecum eris in paradiso.* Ipsi laus, honor & gloria in sæcula, Amen.

*Articulus XXVI.*

Dulcis Jesus pastor bonus posuit animam suam pro ovibus suis. Et dextrum latus emortui corporis ejus lancea fuit apertum, unde nobis profluxit sanguis & aqua. Amorosum cor illius vulneratum est pro me. Utinam hoc cor suavissimum, hoc amœnum beatitudinis gazophylacium, sit mihi in morte salus & solatium! ut post mortem uniar Jesu, & eum contempler in æternum. Ipsi laus, honor & gloria in sæcula, Amen.

*Articulus XXVII.*

Dulcis Jesus mortuus est pro me. Cujus corpus immaculatum cùm de Cruce depositum esset, beatissima Mater ipsius in gremium suum excepit, osculata est, lacrymis rigavit. Deinde Ioseph & Nicodemus involverunt illud in sindone munda, atque condiderunt in sepulchro. Jesus ergo immarcescibilis flos dignitatis humanæ, sepultus est propter me. Ipsi laus, honor & gloria in sæcula, Amen.

*Articulus XXVIII.*

Dulcis Jesus, victor è clauso sigillatoque sepulchro tertia die prodiens, nobili triumpho resurrexit à mortuis: & claritate serenissimi vultus sui reddita, primò



Scriniolum Spirituale.  
Apparet Mariam Magdalenam, Discipulum.

primò charissimam matrem suam virginem Mariam, deinde Mariam Magdalenam, ac ceteros amicos suos novo exhilaravit gaudio. Ipsi laus, honor & gloria in sæcula, Amen.

Articulus XXIX.

Ascensio Spiritus sanctus. Sessio ad dexteram Patris. Adventus ad iudicium.

Dulcis Jesus quadragesimo post resurrectionem suam die, coram discipulis, ineffabili lætitia perfusus, gloriosè ascendit in cælum; & postea misit eis Spiritum sanctum. Sedet jam in cælo ad dexteram Patris, & inde venturus est in Majestate sua iudicare vivos & mortuos. Ipsi laus, honor & gloria in sæcula, Amen.

I I.

DOXOLOGIA XII.

S E U

GRATIARUM ACTIONES

I N

VITAM ET PASSIONEM

CHRISTI.

DOXOLOGIA I.

Incarnatio & coeceptio.



**A**DORO, laudo, glorificote, tibi que gratias ago, ô Fili Dei vivi, Jesu dulcissime: qui ex purissimo atq; ardentissimo mei amore carnem

humanam & servilem formam assumpsisti. O admiranda & suavis misericordia! Tu DEUS meus factus es frater meus, ut me redimeres, & ad lucidissimum regnū tuum reduceres. Tu DEUS meus propter me factus es homo, factus es parvulus pusio, & novem mensibus requievisti in castissimo beatæ Mariæ V. utero. Suavis Iesu, recordare, quæso, pietatis & charitatis tuæ; recordare magnæ indigentiae meæ, & miserere mei. Sanctifica per dignissima membra tua, omnia membra mea. Da mihi plenam peccatorum veniam, & spiritum bonum. Da ut pro modulo meo imiter tuam humilitatem, resignationem, patientiam, charitatem, & ceteras amabiles virtutes tuas. Fac ut tibi placeam. Sit nomen tuum, & nomen Matris tuæ, benedictum in sæcula, Amen.

Scriniolum Spirituale.

DOXOLOGIA II.

**A**DORO, laudo, & glorifico te, tibi que gratias ago, ô Fili Dei vivi, Iesu dulcissime: qui dignatus es propter me tener infantulus in stabulo nasci, frigoris asperitatem tolerare, panniculis involvi, in præsepio reclinari, super foenum & stipulas jacere, virgineis que uberibus lactari. Dignatus es pauper & egenus fieri, ut me divitem faceres. Ecce procido in spiritu ante sanctum tuū præsepium, & rursus te adoro Dominum meum Regem Angelorum. Ave puer amabilis, Deus

Nativitas in stabulo.

Y y 3

excel-



Scrini-  
olumSpi-  
rituale.

excelsæ, Iesu suavissime: ave Prin-  
ceps pacis, lux gentium, Salva-  
tor desiderabilis. Suavis Iesu, re-  
cordare, quæso, pietatis & chari-  
tatis tuæ; recordare magnæ in-  
digentiæ meæ, & miserere mei.  
Sanctifica per dignissima membra  
tua, omnia membra mea. Da mi-  
hi plenam peccatorum veniam, &  
spiritum bonū. Da ut pro modu-  
lo meo imiter tuam humilitatem,  
resignationem, patientiam, cha-  
ritatem, & ceteras amabiles vir-  
tutes tuas. Fac ut tibi placeam.  
Sit nomen tuum, & nomen Ma-  
tris tuæ, benedictum in sæcula,  
Amen.

fes Rex regum & Deus omnipo-  
tens. Suavis Iesu, recordare, quæ-  
so, pietatis & charitatis tuæ; re-  
cordare magnæ indigentiæ meæ,  
& miserere mei. Sanctifica per di-  
gnissima membra tua omnia mē-  
bra mea. Da mihi plenam pecca-  
torum veniam, & spiritum bon-  
um. Da ut pro modulo meo imi-  
ter tuam humilitatem, resigna-  
tionem, patientiam, charitatem,  
& ceteras amabiles virtutes tuas.  
Fac ut tibi placeam. Sit nomen  
tuum, & nomen Matris tuæ, be-  
nedictum in sæcula, Amen.

Scrini-  
olumSpi-  
rituale.

## DOXOLOGIA IV.

## DOXOLOGIA III.

Circum-  
cisio.

Appari-  
tio tribu  
Magis fa-  
cta.

Præsen-  
tatio.

Simon  
& An-  
na.

Fuga in  
Ægyptum  
Subiectio  
ad paren-  
tes.

**A**DORO, laudo, & glorifico  
te, tibi que gratias ago, ô  
Fili DEI vivi, JESU dul-  
cissime; qui octavo à nativitate  
tua die circumcisus es, & fudisti  
purissimum Sanguinem tuum  
propter me. Deinde Gentibus  
revelatus es, quando Magi stella  
duce te perquisierunt, & ingenti  
gaudio perfusi venerunt in Beth-  
leem, ibique te inventum ado-  
raverunt, ac munera tibi obtule-  
runt. Postea in templo præsen-  
tatus, atque hostia pauperum re-  
demptus fuisti, ubi iustus Simeon  
& Anna prophetissa multum de  
tua præsentia lætati sunt. Exin-  
de fugisti, & deportatus es in  
Ægyptum, ac paupertatis incom-  
moda sustinisti. Humiliter te  
submisisti Mariæ & Ioseph, eis-  
que promptè obedivisti, cum es-

**A**DORO, laudo, & glorifico te,  
tibi que gratias ago, ô Fili  
Dei vivi, Iesu dulcissime: qui, vt  
excellenter doceres virtutem  
sanctæ humilitatis perrexisti ad  
ad servum tuum Ioannem, bap-  
tisma pœnitentiæ peccatoribus  
conferentem. Voluisti ab eo bap-  
tizari in Iordanis flumine tu qui  
nullam vnquam peccati macu-  
lam contraxisti. Post baptismum  
ieiunasti quadraginta diebus &  
quadraginta noctibus, habitans  
cum feris in deserto. Non de-  
dignatus es tentari à diabolo  
causâ salutis meæ. Suavis Iesu,  
recordare, quæso, pietatis & cha-  
ritatis tuæ; recordare magnæ  
indigentiæ meæ, & miserere mei  
Sanctifica per dignissima mem-  
bra tua, omnia membra mea. Da  
mihi plenam peccatorum veniam  
& spiritum bonum. Da vt pro  
mo-

Bap-  
tisma in  
Iordanis

Ieiunium  
in deserte.

Tentatio  
à diabolo.



Scriniolum Spirituale.

modulo meo imiter tuam humilitatem, resignationem, patientiam, charitatem, & ceteras amabiles virtutes tuas. Fac vt tibi placeam, Sit nomen tuum, & nomen Matris tuæ, benedictum in sæcula Amen.

## DOXOLOGIA V.

Prædicationis Evangelii. Miracula.

Labores & arum 19.

**A**DORO, laudo, & glorifico te tibi que gratias ago, ô Fili Dei viui, Iesu dulcissime: qui regnum cælorum annuntiando infirmos curando, mortuos suscitando, innumera que signa patiendo, suauiter cum hominibus conuersatus es, & consolationem misericorditer eis præstitisti. Tu propter me labores, ærumnas, & persecutiones varias triginta tribus annis mitissimo corde tolerasti. Verbo & exemplo me plenissime docuisti, quomodo iuste sancte que viuere debeam. Suauis Iesu, recordare, quæso, pietatis & charitatis tuæ; recordare magnæ indigentia meæ, & miserere mei Sanctifica per dignissima membra tua, omnia membra mea. Da mihi plenam peccatorum veniam & spiritum bonum. Da vt pro modulo meo imiter tuam humilitatem, resignationem, patientiam, charitatem, & ceteras amabiles virtutes tuas. Fac vt tibi placeam. Sit nomen tuum, & nomen Matris tuæ, benedictum in sæcula, Amen.

## DOXOLOGIA VI.

Scriniolum Spirituale.

**A**DORO, laudo, & glorifico te, tibi que gratias ago, ô Fili Dei viui, Iesu dulcissime: qui positus genibus pedes discipulorum tuorum homiliter lauisti, eos que linteo, quo eras præcinctus, extersisti: ac deinde suauissimam atque inenarrabilem charitatem venerabile Sacramentum Eucharistia instituisti, te ipsum in illo nobis relinquens. O admirabile mysterium! Verè, si quis, opitulante gratia tua, aliquatenus pro modulo fragilitatis humanæ peruestigaret intellectum, ex quanto amore hoc opus stupendum feceris, omnino cor illius liquefceret, & conflagraret dilectionis incendio. Suauis Iesu, recordare, quæso, pietatis & charitatis tuæ; recordare magnæ indigentia meæ, & miserere mei. Sanctifica per dignissima membra tua, omnia membra mea. Da mihi plenam peccatorum veniam & spiritum bonum. Da vt pro modulo meo imiter tuam humilitatem, resignationem, patientiam, charitatem, & ceteras amabiles virtutes tuas. Fac vt tibi placeam. Sit nomen tuum, & nomen Matris tuæ, benedictum in sæcula, Amen.

Lauas pedes Apostolorum.

Eucharistiam instituit.

Pignus summi amoris.

## DOXOLOGIA VII.

**A**DORO, laudo, & glorifico te, tibi que gratias ago, ô Fili Dei viui, Iesu dulcissime: qui non  
recu-



*Serinio  
lumSpi-  
rituale.  
Agoni-  
zat in  
horto,  
Sangui-  
nem su-  
dat.  
Compre-  
henditur.  
Calaphis  
cadiunt.  
Pilato &  
Herodi-  
sistitur.*

recufasti pro me maxima tristitia  
affici, sudore sanguineo præ  
angustiis suffundi, irreveren-  
ter ab impiis comprehendi, ig-  
nominiosè ut malefactor & latro  
ligari, sicque ligatus ad Pontifi-  
cem duci, injustè damnari, spu-  
tis turpiter fœdari, colaphis &  
alapis inhumaniter cædi, ludi-  
briosè velari, vexari, subsan-  
nari, blasphemarique; coram  
Pilato Præside profano sisti, &  
ibi falsò accusari; inde ad He-  
rodem pertrahi, & ab eo sper-  
ni, stultus haberi, albaque &  
ridicula veste indui. O quàm du-  
ra atque indigna fuerunt ista,  
quæ tu Rex gloriæ pro me mitif-  
simè & sine murmure pertulisti,  
Suavis Iesu, recordare, quæso,  
pietatis & charitatis tuæ; recor-  
dare magnæ indigentia meæ, &  
miserere mei. Sanctifica per di-  
gnissima membra tua, omnia  
membra mea. Da mihi plenam  
peccatorum veniam, & spiritum  
bonum. Da ut pro modulo meo  
imiter tuam humilitatem, resi-  
gnationem, patientiam, charita-  
tem, & ceteras amabiles virtu-  
tes tuas. Fac ut tibi placeam. Sit  
nomen tuum, & nomen Matris  
tuæ, benedictum in sæcula, A-  
men.

DOXOLOGIA VIII.

**A**DORO, laudo, & glorifico  
te, tibi que gratias ago, ô Fi-  
li Dei vivi, Iesu dulcissime: qui  
voluisti pro me in prætorio de-

decorosè nudari, ad columnam  
inclementer ligari, flagris cru-  
delissimè conscindi, proprio san-  
guine largiter perfundi, chlamy-  
de coccinea illusoriè vestiri, a-  
cutis spinis cruciabiliter corona-  
ri vulnerarique, ab iniquis con-  
temptibiliter illudi, arundine  
ferociter percuti, putentibus spu-  
tis indecenter aspergi, & alapis  
atrociter cædi. Suavis IESU,  
recordare, quæso, pietatis &  
charitatis tuæ: recordare ma-  
gnæ indigentia meæ, & mise-  
rere mei. Sanctifica per dignissi-  
ma membra tua, omnia membra  
mea. Da mihi plenam peccato-  
rum veniam, & spiritum bonum.  
Da ut pro modulo meo imiter  
tuam humilitatem, resignatio-  
nem, patientiam, charitatem, &  
ceteras amabiles virtutes tuas. Fac  
ut tibi placeam. Sit nomen tuum,  
& nomen Matris tuæ, benedi-  
ctum in sæcula, Amen.

DOXOLOGIA IX.

**A**DORO, laudo, & glorifico  
te, tibi que gratias ago, ô Fi-  
li Dei vivi, Iesu dulcissime: qui  
dignatus es pro me morti adjudi-  
cari, voluntati que Iudæorum  
tradi: dignatus es grandi trabe  
crucis grauitè onerari, & per-  
gendo ad Calvaria locum into-  
lerabiliter affligi; manus & pe-  
des diris clavis perterebrari, cru-  
ci que affigi; tribus horis acer-  
bissimos dolores in ligno cru-  
cis perpeti, acerrima siti crucia-  
ri, fel-



*Scriniolum Spirituale. Aceto & felle potatur.*  
 rī, felleque & aceto potari, ac tandem, pretioso Sanguine prorsus effuso, mori. Sic me redemisti, o amabilis Jesu, sic debita mea dissolvisti, & peccata expiasti, ex amore purissimo. Suavis Iesu, recordare, quæso, pietatis & charitatis tuæ; recordare magnæ indigentiae meæ, & miserere mei. Sanctifica per dignissima membra tua, omnia membra mea. Da mihi plenam peccatorum veniam, & spiritum bonum. Da ut pro modulo meo imiter tuam humilitatem, resignationem, patientiam, charitatem, & ceteras amabiles virtutes tuas. Fac ut tibi placeam. Sit nomen tuum, & nomen Matris tuæ, benedictum in sæcula, Amen.

## DOXOLOGIA X.

*Passionis & mortis amaritudo.*  
**A**DORO, laudo, & glorifico te, tibi que gratias ago, o Fili Dei vivi, Iesu dulcissime: qui pro me passionem amarissimam & mortem ignominiosissimam pertulisti. O! quantam dilectionis dulcedinem, quantam virtutum lucem in ipsa passione tua mihi demonstrasti! Cum despicereris, iridereris, maledicereris, sævissimeque tractareris & crucifigereris, tu mitis atque innocens Agnus Dei non aperiabas ostium ad conquerendum, sed omnia tranquillo animo ferens, orabas Patrem pro illis ipsis, qui te persequerentur, tormentisque affliciebant. Suavis

*Irridetur & tunc.*

*Scriniolum Spirituale.*  
 Iesu, recordare, quæso, pietatis & charitatis tuæ; recordare magnæ indigentiae meæ, & miserere mei. Sanctifica per dignissima membra tua, omnia membra mea. Da mihi plenam peccatorum veniam, & spiritum bonum. Da ut pro modulo meo imiter tuam humilitatem, resignationem, patientiam, charitatem, & ceteras amabiles virtutes tuas. Fac ut tibi placeam. Sit nomen tuum, & nomen Matris tuæ, benedictum in sæcula, Amen.

## DOXOLOGIA XI.

*Sepeli-tur.*  
**A**DORO, laudo, & glorifico te, tibi que gratias ago, o Fili Dei vivi, Iesu dulcissime: qui voluisti corpus tuum sanctissimum lassari, affligi, vulnerari, mori, & sepeliri pro salute mea. Ego illi honorem exhibeo, qua possum devotione. Ave corpus Redemptoris mei purissimum, *Corpus sanctum & venerabile salutatur.* ave templum Divinitatis venerandum, salvere delicata membra Domini mei, propter me variis laboribus & tormentis attrita. Suavis JESU, recordare, quæso, pietatis & charitatis tuæ; recordare magnæ indigentiae meæ, & miserere mei. Sanctifica per dignissima membra tua, omnia membra mea. Da mihi plenam peccatorum veniam, & spiritum bonum. Da ut pro modulo meo imiter tuam humilitatem, resignationem, patientiam, charitatem, & ceteras ama-

Z z

bi-



*Serino-  
tum Spi-  
rituale.* biles virtutes tuas. Fac ut tibi placeam. Sit nomen tuum, & nomen Matris tuæ, benedictum in sæcula, Amen.

## DOXOLOGIA XII.

*Quinque  
Vulnera.* **A**DORO, laudo, & glorifico te, tibi que gratias ago, ó Fili Dei vivi, Iesu dulcissime: pro beatissimis illis quinque Vulneribus, quæ in glorioso corpore tuo retinere voluisti. Ego illa humiliter veneror, ut possim. Avere fulgentes & mellifluæ plagæ Regis mei, avere præclara sigilla salutis meæ, salve totius beatitudinis gazophylacium, cor Amatoris mei suavissimum, pro me vulneratum. Suavis Iesu, recordare, quæso, pietatis & charitatis tuæ; recordare magnæ indigentiae meæ, & miserere mei. Sanctifica per dignissima membra tua, omnia membra mea. Reconde me in ipsis roseis Vulneribus tuis, ibique animam meam tui amore inebria. Da mihi plenam peccatorum veniam, & spiritum bonum. Da ut pro modulo meo imiter tuam humilitatem, resignationem, patientiam, charitatem, & ceteras amabiles virtutes tuas. Fac ut tibi placeam. Sit nomen tuum, & nomen Matris tuæ, benedictum in sæcula, Amen.

*Saluta  
figilla.*

*Cor gazophylacium gratia.*

III.  
PRECA TIONESADMODUM PIÆ ET  
UTILES.

Oratio ad IESUM.

**O** Benignissime Domine Iesu Christe, Fili Dei vivi, Fili Virginis Mariæ, miserere mei peccatoris vilissimi. Nô sum dignus quem terra sustineat, cû te gravissimè offenderim. Pauper sum, & infirmus, & miser, & immundus. Eheu! quàm multa & magna sunt scelera mea! Opera verò mea quàm exigua sunt, & imperfecta! Quàm longè absum à sanctitate & fidelitate quam tibi debeo! Sed tu, pie Redemptor, responde, satis fac, & supple pro me plenissimè: quia ad hoc venisti in mundum, ad hoc incarnari, pati & mori dignatus es. Pretioso Sanguine tuo ablue me, & ab omni peccato emunda. Amara passione ac morte tua mortifica in me omnia vitia, & aufer à me quidquid tibi displicet. Totam vitam meam deperditam & malam involve pura sindone sanctissimæ vitæ tuæ, atque in opem animam meam exorna meritis ac virtutibus tuis. Propter bonitatem tuam largire mihi cor secundum cor tuum, & accende me tui dilectione, ut vicem amoris tibi rependam pro tua grata voluntate, Amen.

*Confite  
pauca  
tam.*

*Dignus  
non  
est  
peccator  
peccator  
peccator.*

Pra-



Scrinio  
lumSpi-  
rituale.

*Præcellentiſſima oblatio ad  
Deum PATREM.*

Oblatio  
vita &  
merito-  
rumChri-  
ſti pro de-  
ſectibus  
peccatorum.

**P**ATER cæleſtis, Pater clemen-  
tiſſime, propitiuſſe mihi  
peccatori miſerrimo, & redde me  
tibi placentem per unigenitum  
Filium tuum Jeſum Chriſtū. Ego  
in plenam emendationem, expia-  
tionem atque ſatiſfactionem pro  
omnibus peccatis, exceſſibus ac  
negligentiis meis, & pro peccatis  
totius mundi, & in perfectam ſup-  
pletionem meritorum quæ mihi  
deſunt, offero tibi eundem di-  
lectum Filium tuum, in unione  
illius charitatis quæ tu eum miſi-  
ſti in mundum: offero omnia  
quæ ipſe pro nobis fecit ac pertu-  
lit: offero ſanctiſſimam Incarna-  
tionem, vitam, labores, ærum-  
nas, paſſionem, cruciatuſſe, San-  
guinem & mortem illius: offero  
virtutes ejus perfectiſſimas, &  
virtutes ac merita beatæ Mariæ V.  
atque omnium Sanctorum tuorum.  
Sulcipe, obſecro, hanc oblatio-  
nem in odorem ſuavitatis & lau-  
dem æternam, pro mea omnium-  
que ſalute, Amen.

*Eadem oblatio, uni vel pluribus vi-  
vis aut deſunctis ſpeciali-  
ter applicata.*

Item pro  
proximo  
vivo vel  
deſuncto.

**P**ATER cæleſtis, Pater clemen-  
tiſſime, propitiuſſe mihi  
peccatori miſerrimo, & redde me  
tibi placentem per unigenitum  
Filium tuum Jeſum Chriſtum. E-

go in plenam emendationem, ex-  
piationem atque ſatiſfactionem  
pro omnibus peccatis ac negli-  
gentiis illius [ vel illorum ] &  
in perfectam ſuppletionem meri-  
torum, duæ ei [ vel eis ] de-  
ſunt ] offero tibi eundem dile-  
ctum Filium tuum, in unione il-  
lius charitatis, qua tu eum miſi-  
ſti in mundum: offero omnia  
quæ ipſe pro nobis fecit ac pertu-  
lit: Offero ſanctiſſimam Incarna-  
tionem, vitam, labores, ærum-  
nas, paſſionem, cruciatuſſe, San-  
guinem & mortem illius: offero  
virtutes ejus perfectiſſimas, &  
virtutes ac merita beatæ Mariæ  
virginis, atque omnium Sancto-  
rum tuorum. Sulcipe, obſecro,  
hanc oblationem in odorem ſua-  
vitatſſe & laudem æternam, pro  
ſalute ipſius [ vel ipſorum ] Amen.

*Oratio ad Virginem MARIAM.*

**A**Ve præclara Virgo Maria, <sup>Invoca-  
tio Dei-  
paræ Vir-  
ginis Ma-  
riæ.</sup>  
ſingularis conſolatio mea, &  
dulce gaudiuſſe cordis mei. Tu es  
mulierum omnium pulcherrima  
atque puriſſima: ex qua naſci &  
cujus lacte paſci voluit Rex cæ-  
lorum Jeſus Chriſtus. En ego  
confugio ad te, invoco te, & ſpe-  
ro in te, ô mater miſericordiæ.  
Ego tuiſſe pedibus advolutus, ob-  
ſecro per ſanctiſſimam incarna-  
tionem, vitam, paſſionem & mor-  
tem dilecti Filii tui, ut impetres  
mihi plenam veniam peccatorū,  
mortificationemque vitiorum:  
impetres ſpiritum bonum, & gra-  
tiam



Scrinio-  
lum Spi-  
rituale. tiam salutarem, ac me ipsi Filio  
tuo tibi que placentem reddas,  
Amen.

*Ad eandem.*

Salutario  
B. Mariae  
per Salve  
Regina-

**S**alve Regina, Mater misericor-  
diae, vita, dulcedo, & spes no-  
stra, salve. Ad te clamamus, exu-  
les filii Evæ. Ad te suspiramus  
gementes & flentes in hac lacry-  
marum valle. Eja ergo, Advo-  
cata nostra, illos tuos misericor-  
des oculos ad nos converte, &  
Iesum benedictum fructum ven-  
tris tui nobis post hoc exilium o-  
stende: ô clemens, ô pia, ô dulcis  
virgo Maria.

*Ad eandem.*

Ad eam-  
dem pro  
morte  
beata.

**A**ve Maria, virgo benigna,  
virgo dulcissima, quæ pepe-  
risti Filium Dei Iesum Christum.  
Eja pia mater, dirige & serva me  
materna benignitate cunctis die-  
bus vitæ meæ; atque in extremo  
spiritu constitutum misericordi-  
ter protege, ne maligni spiritus  
possint nocere animæ meæ, ac  
salutem meam impedire. Exhi-  
be mihi tunc jucundissimam præ-  
sentiam tuam, & roseo rutilanti-  
que vultu tuo ac blandis oculis  
tuis solare dolores & gemitus  
meos. Dictunc animæ meæ: E-  
go Mater Dei, quam dilexisti &  
in qua sperasti, loquar pro te: no-  
li timere. Domina, redde me  
tunc certum de cælesti beatitudi-  
ne, ut in sancta confidentia vitam  
hanc finiam, & te duce perve-  
niam ad vitam æternam, Amen.

IV.

SERTUM

BEATÆ VIRGINIS  
MARIAE  
QUINQUEPARTITUM  
VITA ET GESTIS  
JESU CHRISTI  
PULCHRE EXORNATUM.

*In hoc Rosarium edidit insignem tractatum  
R. P. Franciscus Arias Presbyter Soc. IESU, quem  
inscripsit, de Rosario 50. mysteriorum in Opusculo  
suo de Profectu spirituali. Idem Rosarium tran-  
stulit in praxem devotas R. P. Antonium Sueque-  
tium ejusdem Societatis in Via Vita lib. 3. c. 23.*

PARS PRIMA.

**P**ater noster, &c. Ave Ma-  
ria, &c. O benigna & sua-  
vis Maria, placida clementis-  
simum Redemptorem nostrum  
IESUM: quem tu virgo purissima  
Angelo nuntiante de Spiritu fan-  
cto in civitate Nazareth concepi-  
sti, ac novem mensibus in castissi-  
mo utero tuo gestasti. Fac, ut ipsi  
dulcissimo Filio tuo IESU Christo  
placeamus, & eum te que videre  
mereamur in cælis, Amen.

Ave maria, &c. O benigna &  
suavis Maria, placida clementissi-  
mam Redemptorem nostrum Ie-  
sum: quo concepto, tu Deo ple-  
na ad Elisabeth cognatam tuam  
cum festinatione perrexisti, &  
eam



Scrini-  
um Spi-  
rituale.

eam salutaſti, eiſque humiliter ſer-  
vivifti. Fac, ut ipſi dulciſſimo Fi-  
lio tuo Ieſu Chriſto placeamus, &  
eum teque videre mereamur in  
cælis, Amen.

3.  
Nativiti-  
ſis Ieſu  
Chriſti.  
Luc. 2.

Ave Maria, &c. O benigna &  
ſuavis Maria, placa clementiſſi-  
mum Redemptorem noſtrum Ie-  
ſum : quem in Bethleem, in vili  
ſtabulo, tu Virgo inviolata non  
ſolum ſine dolore, ſed etiam cum  
ineffabili gaudio peperifti, na-  
tumque mox ut verum Deum de-  
vota mente adorafi. Fac, ut ipſi  
dulciſſimo Filio tuo Ieſu Chriſto  
placeamus, & eum teque videre  
mereamur in cælis, Amen.

4.  
Lactatio  
infantis  
Dni.  
Luc. 2.

Ave Maria, &c. O benigna &  
ſuavis Maria, placa clementiſſi-  
mum Redemptorem noſtrum Ie-  
ſum : quem infantulum vagien-  
tem virgineo lacte pavifti, pan-  
niculisque involutum in præſe-  
pio ſuper ſcenum & ſtipulas reclina-  
ſti. Fac, ut ipſi dulciſſimo filio  
tuo Ieſu Chriſto placeamus, &  
eum teque videre mereamur in  
cælis, Amen.

5.  
Manife-  
ſtatio ſa-  
cra pa-  
ſtoribus.  
Luc. 2.

Ave Maria, &c. O benigna, &  
ſuavis Maria, placa clementiſſi-  
mum Redemptorem noſtrum Ie-  
ſum : quem recens natum Angeli  
paſtoribus gratulabundi nuntia-  
verunt, & eum lætis vocibus col-  
laudantes, pacem hominibus bo-  
næ voluntatis cecinerunt. Fac,  
ut ipſi Filio tuo Ieſu Chriſto pla-  
ceamus, & eum teque videre me-  
reamur in cælis, Amen.

6.

Ave Maria, &c. O benigna &  
ſuavis Maria, placa clementiſſi-

mum Redemptorem noſtrum Ie-  
ſum : quem paſtores feſtinanter  
pergentes in Bethleem, invene-  
runt poſitum in præſepio, & eum  
adora verunt cum ingenti admi-  
ratione & gaudio. Fac, ut ipſi dul-  
ciſſimo Filio tuo Ieſu Chriſto  
placeamus, & eum teque videre  
mereamur in cælis, Amen.

Scrini-  
um Spi-  
rituale.  
Adora-  
tur Chri-  
ſtus à pa-  
ſtoribus.  
Luc. 2.

Ave Maria, &c. O benigna, &  
ſuavis Maria, placa clementiſſi-  
mum Redemptorem noſtrum Ie-  
ſum : qui octavo à nativitate ſua  
die dignatus eſt puriſſimum ſan-  
guinem pro nobis fundere, & cir-  
cumcidi, atque ad noſtram con-  
ſolationem Ieſus nominari. Fac,  
ut ipſi dulciſſimo Filio tuo Ieſu  
Chriſto placeamus, & eum teque  
videre mereamur in cælis, A-  
men.

7.  
Circum-  
ciſio pne-  
ri Ieſu.  
Luc. 2.

Ave Maria, &c. O benigna, &  
ſuavis Maria, placa clementiſſi-  
mum Redemptorem noſtrum Ie-  
ſum : quem Magi ab Oriente ve-  
nientes piè quæſierunt, & magno  
gaudio perfuſi, ſtella duce in Beth-  
leem pervenerunt ; ibique illum  
humiliter adorantes, aurum, thus  
& myrrham devotè ei obtule-  
runt. Fac, ut ipſi dulciſſimo Filio  
tuo Ieſu Chriſto placeamus, &  
eum teque videre mereamur in  
cælis, Amen.

8.  
Adora-  
tur à Ma-  
gibus.  
Matt. 2.

Ave Maria, &c. O benigna &  
ſuavis Maria, placa clementiſſi-  
mum Redemptorem noſtrum Ie-  
ſum : quem die quadageſimo in  
templum juxta Legis præſcriptū  
detulifti, & hoſtia pauperum re-  
demptum, Deo Patri gratiſſimo

9.  
Præſen-  
tatio Fi-  
lii, & pu-  
riſtatio  
Matru.  
Luc. 2.



seruio-  
lum Spi-  
rituale.

corde obtulisti. Fac, ut ipsi dulcissimo Filio tuo Iesu Christo placeamus, & eum teque videre mereamur in cælis, Amen.

10. -  
Erga in  
Aegyp-  
tum.  
Matt. 2.

Aue Maria, & c. O benigna & suavis Maria, placa clementissimum Redemptorem nostrum Iesum: quem in Ægyptum, propter metum Herodis, monitu Angeli mater fidelissima deportasti, tandemque eum inde in ciuitatem Nazareth retulisti. Fac, vt ipsi dulcissimo filio tuo Iesu Christo placeamus, & eum teque videre mereamur in cælis, Amen.

Laus Trinitati fulgidæ,  
Patri, Nato, Paraclito,  
Laus virgini Deiparæ,  
Nunc & per omne sæculum,  
Amen.

P A R S I I.

1.  
Iesu in-  
ter Docto-  
res.  
Luc. 2.

**P**ATER noster, & c. Aue Maria, & c. O benigna & suavis Maria, placa clementissimum Redemptorem nostrum Iesum: que tu Virgo - mater, cum esset annorum duodecim, in Ierusalem perdidisti, & eum mœsta requirens, post triduum in templo læta inuenisti. Fac, vt ipsi dulcissimo filio tuo Iesu Christo placeamus, & eum teque videre mereamur in cælis, Amen.

2.  
Subiectio  
ad paren-  
tes.  
Luc. 2.

Aue Maria, & c. O benigna & suavis Maria, placa clementissimum Redemptorem nostrum Iesum, quem tibi subditum maternâ curâ sedulo enutristi, & nihilominus ei tanquam aktis-

simo DEO sanctam reverentiam semper exhibuisti. Fac, ut ipsi dulcissimo Filio tuo Iesu Christo placeamus, & eum teque videre mereamur in cælis, Amen.

Aue Maria, & c. O benigna, & suavis Maria, placa clementissimum Redemptorem nostrum Iesum, qui anno ætatis suæ trigésimo, in Iordane flumine humiliter à seruo suo Joanne baptizari voluit, cum tamen ipse innocens agnus Dei, unquam peccati maculam contraxerit. Fac, vt ipsi dulcissimo filio tuo Iesu Christo placeamus, & eum teque videre mereamur in cælis, Amen.

Aue Maria, & c. O benigna & suavis Maria, placa clementissimum Redemptorem nostrum Iesum, qui in deserto quadraginta diebus & quadraginta noctibus nihil manducans ieiunauit, sicque cum feris Dominus cæli & terræ habitauit: Fac, vt ipsi dulcissimo filio tuo Iesu Christo placeamus, & eum teque videre mereamur in cælis, Amen.

Aue Maria, & c. O benigna & suavis Maria, placa clementissimum Redemptorem nostrum Iesum: qui pro salute nostra tentari à diabolo non recusauit, & quomodo satanam vincere nos oporteat demonstrauit. Fac, vt ipsi dulcissimo filio tuo Iesu Christo placeamus, & eum teque videre mereamur in cælis, Amen.

Aue Maria, & c. O benigna & suavis Maria, placa clementissimum Redemptorem nostrum Iesum;



Scriniolum Spirituale.

sum: qui per urbes, vicos & castella iter faciens, Evangelium regni cælorum studiosè prædicavit, & labores fatigationemque corporis propter nos libenter sustinuit. Fac, ut ipsi dulcissimo Filio tuo Iesu Christo placeamus, & eum teque videre mereamur in cælis, Amen.

7. *Nocturna orationes, labores & persecutiones.* Matth. 5.

Ave Maria, &c. O benigna, & suavis Maria, placa clementissimum Redemptorem nostrum Iesum: qui cerebrò in oratione pernoctavit, & famem, sitim, frigus, ætium, variasque persecutiones mitissimo corde nostri causâ per tulit. Fac, ut ipsi dulcissimo Filio tuo Iesu Christo placeamus, & eum teque videre mereamur in cælis, Amen.

8. *Miseri cordia & miracula* Ioan. 6.

Ave Maria, &c. O benigna & suavis Maria, placa clementissimum Redemptorem nostrum Iesum: qui conversans inter homines, omnibus afflictis misericorditer subvenit, ac signa plurima fecit, & Mariæ Magdalenæ, aliisque peccatoribus verè pœnitentibus, veniam promptissimè dedit, seque eis familiarem eis præbuit. Fac, ut ipsi dulcissimo filio tuo Iesu Christo placeamus, & eum teque videre mereamur in cælis, Amen.

9. *Transfigurationis* Matth. 17.

Ave Maria, &c. O benigna & suavis Maria, placa clementissimum Redemptorem nostrum Iesum: qui coram tribus discipulis in monte transfiguratus, facie sicut sol refulsit, & excellentiam gloriosi corporis magnificè ostendit. Fac, ut ipsi dulcissimo filio tuo Iesu

Christo placeamus, & eum teque videre mereamur in cælis, Amen.

Scriniolum Spirituale.

Ave Maria, &c. O benigna & suavis Maria, placa clementissimum Redemptorem nostrum Iesum: qui veniens Ierosolymam, ut pro nobis pateretur, Rex humilis & mansuetus asinæ insedit, atque inter laudes quæ ei à populo canebantur, videns civitatem lacrymas effudit. Fac, ut ipsi dulcissimo filio tuo Iesu Christo placeamus, & eum teque videre mereamur in cælis, Amen.

10. *Ingressus in Ierosolymam die Palmæ.* Matth. 21. Ioan. 12.

Laus Trinitati fulgidæ,  
Patri, Nato, Paraclito,  
Laus Virgini Deiparæ,  
Nunc & per omne sæculum,  
Amen.

P A R S I I I

PATER noster, &c. Ave Maria, &c. O benigna & suavis Maria, placa clementissimum Redemptorem nostrum Iesum: qui in Cœna novissima pedes discipulorum suorum positis genibus humiliter lavit, & præcellentissimum Eucharistiæ Sacramentum inenarrabili charitate instituit. Fac, ut ipsi dulcissimo filio tuo Iesu Christo placeamus, & eum teque videre mereamur in cælis, Amen.

1. *Lotio pedum. Eucharistia.* Ioan. 13. Matth. 20. Mar. 14. Luc. 22.

Ave Maria, &c. O benigna & suavis Maria, placa clementissimum Redemptorem nostrum Iesum: qui ingressus cum discipulis suis in hortum Oliveti, maxima tristitia propter nos correptus fuit:

2. *Agonia & sudor sanguinis.* Mar. 20. Mar. 14. Luc. 22. Ioan. 19.



Serinio.  
Ium Spi-  
rituale.

fuit ; & prolixè orans , sudorem sanguineum præ vehementia angustiarum toto corpore sudavit. Fac , ut ipsi dulcissimo filio tuo Iesu Christo placeamus , & eum teque videre mereamur in cælis , Amen.

3.  
Cobors.  
Iudaorin.  
Osculum  
Iuda.  
Mar. 14  
Luc. 22.

Ave Maria, &c. O benigna & suavis Maria , placa clementissimum Redemptorem nostrum Iesum : qui inimicis suis obviàm processit , eisque ultrò se obtulit , & à Iuda proditore osculum accipere non renuit. Fac , ut ipsi dulcissimo filio tuo Iesu Christo placeamus , & eum teque videre mereamur in cælis , Amen.

4.  
Compre-  
hensio &  
vincula.  
Ioan. 18

Ave Maria, &c. O benigna & suavis Maria , placa clementissimum Redemptorem nostrum Iesum : quem viri impii irreverenter comprehenderunt , & tanquam malefactorem ac latronem duris vinculis ignominiosè ligaverunt. Fac , ut ipsi dulcissimo filio tuo Iesu Christo placeamus , & eum teque videre mereamur in cælis , Amen.

5.  
Annat.  
Caiphæ.  
Alapa.  
Mac. 14.  
Luc. 22.

Ave Maria, &c. O benigna & suavis Maria , placa clementissimum Redemptorem nostrum Iesum : qui vincus ad Pontificem cum opprobrio adductus fuit , & ab uno ministrorum ejus atrocem alapam suscepit. Fac , ut ipsi dulcissimo filio tuo Iesu Christo placeamus , & eum teque videre mereamur in cælis , Amen.

6. Ave Maria, &c. O benigna & suavis Maria , placa clementissimum Redemptorem nostrum Ie-

sum : qui in domo Caiphæ falsis testibus fuit pressus , & putentibus sputis fœdatus , & ludibriosè ve- latus , & colaphis alapisq; inhu- maniter cæsus , ac blasphemis in- dignissimè affectus. Fac , ut ipsi dulcissimo filio tuo Iesu Christo placeamus , & eum teque videre mereamur in cælis , Amen.

Ave Maria, &c. O benigna & suavis Maria , placa clementissi- mum Redemptorem nostrum Ie- sum : qui contemptibiliter ductus ad Pilatum , demisso placidoque vultu coram eo stetit , & ad fallas Iudæorum accusationes humili- ter tacuit. Fac , ut ipsi dulcissimo filio tuo Iesu Christo placeamus , & eum teque videre mereamur in cælis , Amen.

Ave Maria, &c. O benigna & suavis Maria , placa clementissi- mum Redemptorem nostrum Ie- sum : quem Herodes ad se mis- sum , sapienterque coram se silen- tem , sprexit , & alba ridiculaque veste tanquam fatuum induit. Fac , ut ipsi dulcissimo filio tuo Ie- su Christo placeamus , & eum te- que videre mereamur in cælis , A- men.

Ave Maria, &c. O benigna & suavis Maria , placa clementissi- mum Redemptorem nostrum Ie- sum : qui in prætorio fuit dede- corosè nudatus , & ad columnam inclementer ligatus , & flagris crudelissimè concisus , proprio- que Sanguine miserabiliter cru- entatus. Fac , ut ipsi dulcissimo filio tuo Iesu Christo placeamus , & eum

Scritio  
Ium Spi-  
rituale.  
Falsi  
Ies  
Calaphi  
Sputa  
Pleca  
faint  
Mac. 14  
Luc. 22

7.  
Spirito  
Pilato  
Matth.  
27.  
Ioan.

8.  
Spre-  
xit  
Iudæi  
ad Ies  
de.  
Luc. 22

9.  
Fugit  
Ies  
Luc. 22



*Scriniolum Spirituale.*  
 & eum teque videre mereamur in cælis, Amen.

10. Ave Maria, &c. O benigna & suavis Maria, placā clementissimum Redemptorem nostrum Iesu: quem homines iniqui clamide purpurea ad majus ludibrium vestierunt, & acutis spinis coronaverunt, & nugatorie adoraverunt atque subsannaverunt, & arundine percusserunt, ac foedè conspuerunt, & diris alapis ceciderunt. Fac, ut ipsi dulcissimo filio tuo Iesu Christo placeamus, & eum teque videre mereamur in cælis, Amen.

Laus Trinitati fulgidæ,  
 Patri, Nato, Paraclito,  
 Laus virgini Deiparæ,  
 Nunc & per omne sæculum,  
 Amen.

PARS IV.

1. **P**ATER noster, &c. Ave Maria, &c. O benigna & suavis Maria, placā clementissimum Redemptorem nostrum IESUM: qui gestans coronam spineam & purpureum vestimentum, è prætorio fuit à Pilato productus, & Judæis ostensus, atque ab eis ad mortem crucis magno turbulentoque clamore postulatus. Fac, ut ipsi dulcissimo Filio tuo IESU Christo placeamus, & eum teque videre mereamur in cælis, Amen.

2. Ave Maria, &c. O benigna & suavis Maria, placā clementissimum Redemptorem nostrum Iesu: quem Pilatus morti inju-

ste adjudicavit, voluntarièquē Judæorum tradidit. Ipse ergo mox ab eis trabe crucis oneratus, ignominiosum hoc lignum laceris humeris suis cum ingenti cruciatur patienter bajulavit, factusque opprobrium hominum, & abjectio plebis, humiliter ad Calvariam perrexit. Fac, ut ipsi dulcissimo Filio tuo Iesu Christo placeamus, & eum teque videre mereamur in cælis, Amen.

Ave Maria, &c. O benigna, & suavis Maria, placā clementissimum Redemptorem nostrum Iesu: qui in loco Calvariæ myrrhato fellitoque vino fuit potatus, ac vestibus probrosè nudatus, & manus ac pedes clavis atrociter perterebratus, crucique affixus. Fac, ut ipsi dulcissimo Filio tuo Iesu Christo placeamus, & eum teque videre mereamur in cælis, Amen.

Ave Maria, &c. O benigna, & suavis Maria, placā clementissimum Redemptorem nostrum Iesu: qui nudus, vulneratus & contemptus in ligno crucis pro nobis pependit, amarissimosque dolores pertulit, ac pretiosum Sanguinem suum fudit. Fac, ut ipsi dulcissimo Filio tuo Iesu Christo placeamus, & eum teque videre mereamur in cælis, Amen.

Ave Maria, &c. O benigna & suavis Maria, placā clementissimum Redemptorem nostrum Iesu: qui cum medius inter duos latrones in cruce penderet, & à Judæis subsannaretur blasphemis-

A a a isque



Scrini-  
um Spi-  
rituale.

is que impeteretur, humillimam patientiam exhibuit, & insuper pro blasphemis crucifixoribus suis Patrem exoravit. Fac, ut ipsi dulcissimo Filio tuo Iesu Christo placeamus, & eum teque videre mereamur in cælis, Amen.

6.  
Paradi-  
sum pro-  
missit la-  
troni.  
Luc. 23.

Ave Maria, &c. O benigna & suavis Maria, placa clementissimum Redemptorem nostrum Iesum: qui latroni verè pœnitenti peccata omnia misericorditer cōdonavit, & paradisi gaudia liberalissimè promissit. Fac, ut ipsi dulcissimo Filio tuo Iesu Christo placeamus, & eum teque videre mereamur in cælis, Amen.

7.  
Matrem  
Joanni  
commen-  
davit.  
Ioan. 19.

Ave maria, &c. O benigna & suavis Maria, placa clementissimum Redemptorem nostrum Iesum: qui tibi dilectissimæ genitrici suæ sub cruce stanti atque acerbè dolenti intimè compassus est, & te Joanni discipulo commendavit, ei que ac nobis omnibus in matrem dedit. Fac, ut ipsi dulcissimo filio tuo Iesu Christo placeamus, & eum teque videre mereamur in cælis, Amen.

8.  
Eli, Eli  
samma-  
sabaſtha-  
ni.  
Matt. 27

Ave Maria, &c. O benigna & suavis Maria, placa clementissimum Redemptorem nostrum Iesum: qui suam passionem sine aliquo sensibilis consolationis relevamine toleravit: unde & gravitatem cruciatuum suorum indicans, se derelictum voce magna clamavit. Fac, ut ipsi dulcissimo filio tuo Iesu Christo placeamus, & eum teque videre mereamur in cælis, Amen.

9. Ave Maria, &c. O benigna &

suavis Maria, placa clementissimum Redemptorem nostrum Iesum: qui exanguis in cruce pendens, se vehementer sitire cœt status, sed felle & aceto in extrema illa calamitate fuit poratus. Fac, ut ipsi dulcissimo filio tuo Iesu Christo placeamus, & eum teque videre mereamur in cælis, Amen.

Scrini-  
um Spi-  
rituale.  
Sicut  
dicitur  
filii  
accit  
leau

Ave Maria, &c. O benigna & suavis Maria, placa clementissimum Redemptorem nostrum Iesum: qui morti vicinus spiritum suum in manus Patris commendavit; jamque redempcionis nostræ opere consummato, bonus pastor animam pro ovibus suis expuro amore posuit. Fac, ut ipsi dulcissimo filio tuo Iesu Christo placeamus, & eum teque videre mereamur in cælis, Amen.

10.  
In  
Patri  
mend  
fimo  
Omn  
re  
Luce

Laus Trinitati fulgidæ,  
Patri, Nato, Paraclito,  
Laus Virgini Deiparæ,  
Nunc & per omne sæculū, Amen;  
P A R S V.

PATER noster, &c. Ave Maria, &c. O benigna & suavis Maria, placa clementissimum Redemptorem nostrum Iesum: qui morte pro nobis in cruce gustata, mox ad inferna secundum animā ex summa charitate descendit, & electos suos potèter inde eripuit. Fac, ut ipsi dulcissimo filio tuo Iesu Christo placeamus, & eum teque videre mereamur in cælis, Amen.

11.  
De  
fimo  
Patri  
Luce  
Epist

Ave Maria, &c. O benigna & suavis Maria, placa clementissimum

2.  
Luce  
19  
Luce  
19



Scrini-  
um Spi-  
rituale.

num Redemptorem nostrum Ie-  
sum: cuius sanctissimum latus, te  
præsente, lancea apertum, & a-  
morosum cor vulneratum fuit,  
unde nobis Sanguis purpureus  
& aqua salutaris profluxit. Fac,  
ut ipsi dulcissimo filio tuo Iesu  
Christo placeamus, & eum teque  
videre mereamur in cælis, Amen.

3.  
Deponi-  
tur intra  
brachia.

Ave Maria, &c. O benigna, &  
suavis Maria, placa clementissi-  
mum Redemptorem nostrum Ie-  
sum: quem de cruce depositum in  
sinum gremiumque tuum (ut piè  
credimus) suscepisti, & lacrymis  
ubertim rigasti, & eique oscula a-  
mante impressisti. Fac, ut ipsi  
dulcissimo filio tuo Iesu Christo  
placeamus, & eum teque videre  
mereamur in cælis, Amen.

4.  
Sepulch-  
ra Chri-  
sti.  
Matt. 27  
Már. 16  
Joan. 19

Ave Maria, &c. O benigna &  
suavis Maria, placa clementissi-  
mum Redemptorem nostrum Ie-  
sum: cuius corpus sacratissimum  
Joseph & Nicodemus pia devo-  
tionè aromatibus condierunt, &  
& sindone involverunt, atque in  
sepulchro posuerunt. Fac, ut ipsi  
dulcissimo filio tuo Iesu Christo  
placeamus, & eum teque videre  
mereamur in cælis, Amen.

5.  
Resurre-  
xit a  
mortuis.  
Matt. 28  
Luc. 24.  
Joan. 20

Ave Maria, &c. O benigna &  
suavis Maria, placa clementissi-  
mum Redemptorem nostrum Ie-  
sum: qui tertia die victor è clau-  
so sigillatoque sepulchro prodien-  
s, à mortuis virtute propria  
surrexit, & te dilectam matrem  
suam ceterosque amicos suos op-  
tatissimo gaudio lætificavit. Fac

ut ipsi dulcissimo filio tuo IESU  
Christo placeamus, & eum teque  
videre mereamur in cælis, A-  
men.

Scrini-  
um Spi-  
rituale.

Ave Maria, &c. O benigna &  
suavis Maria, placa clementissi-  
mum Redemptorem nostrum Ie-  
sum: qui quadragesimo post Re-  
surrectionem suam die, in cælum  
gloriosè ascendit, & ad dexte-  
ram Patris triumphator nobilis  
confedit. Fac, ut ipsi dulcissimo  
Filio tuo Iesu Christo placeamus,  
& eum teque videre mereamur  
in cælis, Amen.

6.  
Ascensio  
in cælum  
Mar. 16  
Luc. 24.  
Act. 1.

Ave Maria, &c. O benigna, &  
suavis Maria, placa clementissi-  
mum Redemptorem nostrum Ie-  
sum: qui Spiritum sanctum in  
Apostolos aliosque fideles misit,  
& eos illo mirificè consolatus est,  
confortavit, illuminavit atque  
inlustravit. Fac, ut ipsi dulcissimo  
Filio tuo Iesu Christo placeamus,  
& eum teque videre mereamur in  
cælis, Amen.

7.  
Missio  
Spiritus  
sancti.  
Act. 1.

Ave Maria, &c. O benigna &  
suavis Maria, placa clementissi-  
mum Redemptorem nostrum Ie-  
sum: qui te charissimam geni-  
tricem suam in cælum assump-  
tam supra choros Angelorum ex-  
altavit, Reginamque & Impera-  
tricem celsissimam constituit.  
Fac, ut ipsi dulcissimo Filio tuo  
Iesu Christo placeamus, & eum  
teque videre mereamur in cælis,  
Amen.

8.  
Assump-  
tio B. Vir-  
ginæ.

Ave Maria, &c. O benigna &  
suavis Maria, placa clementissi-  
mum Redemptorem nostrum Ie-  
sum:

9.  
Adven-  
tu ad  
iudiciū.



Scrinio-  
rum Spi-  
rituale.

sum: qui in fine sæculi venturus est iudex in maiestate magna, ut reddat reprobis horrenda supplicia, & iustis æterna gaudia. Fac, ut ipsi dulcissimo filio tuo IESU Christo placeamus, & eum teque videre mereamur in cælis, Amen.

10.  
Gloria  
æterna.

Ave Maria, &c. O benigna & suavis Maria, placa clementissimum Redemptorem nostrum Iesum, qui est amabilis & desiderabilis gloria Beatorum, atque cum Patre & Spiritu sancto vivit & regnat DEUS in sæcula sæculorum. Fac, ut ipsi dulcissimo filio tuo Iesu Christo placeamus, & eum teque videre mereamur in cælis, Amen.

Laus Trinitati fulgidæ,  
Patri, Nato, Paraclito,  
Laus virgini Deiparæ,  
Nunc & per omne sæculum,  
Amen.

#### NOTA

Fructus  
ingens ex  
Rosarii  
dectione.  
\* Idem  
referunt  
Ludol-  
phus &  
Lansper-  
gius.  
Accidit  
circa an-  
nū 1431.

**O**LIM revelatum fuit cuidam Spirituali Patri Carthusiano apud Treverim\*, quod quoties quis piè & sanctè legit Sertum sive Rosarium gloriosæ Virginis **MARIÆ** cum articulis vitæ & passionis **CHRISTI**, toties plenam peccatorum suorum veniam, simulque eximiam gratiam & eximium meritum cumulum consequitur. Reverà enim hoc Sertum **CHRISTO** & **MARIÆ** gratissimum est, atque ad impetrandum efficacissimum: quod tam pro nobis quam pro aliis nobis commisit

lis, & pro tota Ecclesia perorare possumus. Ceterum non est necesse, ut illud uno tempore totum compleatur, sed per particulas diversis horis vel diebus legi potest: & eo modo interdum majori devotione ac fructu expletur.

V.

ALIA

## ORATIONVM EXERCITIOLA NON CONTEMNENDA NEQVE PARVIENDENDA.

*Manè, lecto Symbolo Apostolorum cum Oratione Dominica & Salutatione Angelica, dices, si volueris, quatuor Precationes sequentes.*

### I. Oratio ad SANCTAM TRINITATEM.

**A**DORO te, ô fulgida & semper tranquilla Trinitas, unus Deus. Adoro te, ô Domine summæ maiestatis, Creator cæli & terræ, & omnium visibilium atque invisibilium. Adoro te, ô altissime & benignissime Deus, perenne bonum meum. Tibi Patri & Filio, & Spiritui sancto laus, honor & gloria in sæcula sæculorum, Amen.

II. Ora



Scriniolum Spirituale.

## II. Oratio ad JESUM.

Salvatio ad Christum pro beneficio.

Saluto te, ð fili Dei vivi JESU Christe, suavis Redemptor, qui incarnari, pati & mori voluisti pro me. Propitius esto mihi peccatori, & plenè me emunda. Largire mihi spiritum bonum & gratiam salutarem. Gratias ago pietati tuæ pro requie quam hac nocte mihi concessisti. Offero tibi somnum meum in laudem æternam, in unione illius amoris quo tu Deus meus pro me factus homo, somnum corporalem cepisti in terris, ad honorem Patris, & salutem totius generis humani.

Oratio in actio.

Oblatio in.

Commendatio ad suum Deum.

Petitio gratia.

Hodie commendo tibi animam meam & corpus meum: serva me, quæso, ab omni peccato, & in viam pacis dirige: doce me semper facere voluntatem tuam. Peto, Domine, & desidero, ut ex singulis actibus, verbis cogitationibus, & motibus & respirationibus meis, resulter laus nominis tui. Peto, ut omnes spiritus beati & omnes Sancti tui glorificent te pro me omni temporis momento: quia tu es benedicendus in sæcula sempiterna, Amen.

## III. Oratio ad Beatam Virginem MARIAM.

Ad virginem Dilectam.

Saluto te ð cæli Regina, mater Dei gloriosa, Domina mea dulcissima, virgo Maria. Misere mei peccatoris. Commendo me tibi hodie. Dirige, quæso, adjuva & protege me in omnibus,

ne inimicus meus prævaleat adversum me. Ora pro me, & effice ut Filio tuo tibi que semper acceptus sim, Amen.

Scriniolum Spirituale.

## IV. Oratio ad proprium ANGELOM.

Saluto te, ð sancte Angele Dei, Svernans flos cæli, Princeps nobilis, cui à Domino commissus sum. Misere mei peccatoris. Commendo me tibi hodie. Deduc me, quæso, in viam mandatorum Dei, & ab hoste maligno jugiter defende, atque in gratia Dei conserva, Amen.

Ad Angelum custodem.

*Si obligaris legere Preces horarias, aut equam illas inchoës, dic hanc aut similem Orationem.*

Domine Jesu, ego humiliter pro tuo honore obedire, & tibi fideliter servire, teque pure laudare desidero in unione illius perfectissimæ attentionis, qua Patrem orasti & laudasti in terris: adjuva me gratia tua, quia sine te nihil possum.

Ante officium divinum.

*Oratio post preces horarias dicenda.*

Bone Jesu, propitius esto mihi peccatori. Ego tepidum & distractum servitium meum commendo mellifluo cordi tuo emendandum & perficiendum, tibi que ipsum offero ad salutem omnium, in unione illius perfectissimæ attentionis quâ tu Patrem orasti & laudasti in terris. Responde, quæso, satisfac & supple pro me plenissime, Amen.

Post Officium.



Scriniol  
lum Spi-  
rituale.

*Missam auditurus dicito:*

*Ad Mis-  
sam.*

**D**omine Iesu, largire mihi, obsecro, gratiam Tuam, & concede ut purè inter sim sancto Missæ sacrificio, ad æternam laudem nominis tui, in memoriam eorum omnium quæ pro salute mea fecisti, atque pertulisti.

*Sacerdos sacrificaturus, & quilibet sacram Eucharistiam sumpturus, potest dicere sequentem Orationem.*

*Oratio ante Communionem.*

*Ante  
Missam  
vel sacra  
Commu-  
nionem.*

**G**ratias ago tibi, amantissime Domine Iesu Christe, pro omnibus bonis, quæ mihi & aliis quibuscunque hominibus unquam contulisti, atque collaturus es. Gratias ago, quod ex pura charitate mihi dedisti corpus & animam, ac secundum animam fecisti me ad diuinam imaginem & similitudinem tuam. Gratias ago, quod me ad sacrum Baptisma & ad recte Catholicæque fidei cognitionem perduxisti. Gratias ago, quod me iniquissimè viventem tam patienter tolerasti, & à te aversum tam benignè ad te vocasti. Gratias ago, quod innumera grauissimaque scelera mea quibus inferni tormenta toties commerui, tam clementer remisisti. Gratias ago, quod singulis momentis mihi benefacere non cessas, & salutem meam in omnibus promouere desideras.

*Gratia-  
rum a-  
ctio.  
Pro om-  
nibus ho-  
minibus:  
Pro natu-  
ralibus:  
Pro spiri-  
tualibus:  
Pro pati-  
enti ex-  
pectatio-  
ne emen-  
dationis:*

Gratias ago pro cunctis tribulationibus, angustijs, afflictionibus & poenis, quas hæc ænus mihi euenire permisisti: eas tibi offero in laudem æternam, in vnione venerandæ passionis tuæ. Gratias ago pro vniuersis miserationibus suavissimæ pietatis tuæ. Gratias ago pro incarnatione, natiuitate infantia, pueritia, adolescentia iuuentute, laboribus, ærumnis passione, morte, resurrectione & ascensione tua. Gratias ago pro institutione sacro sanctæ & venerabilis Eucharistiæ, in qua te ipsum nobis reliquisti. miserere mei vilissimi peccatoris: miserere mei secundum multitudinem miserationum tuarum. Emunda me, quæso, ab omni peccato, & negligentia & impuritate. Exorna egenam animam meam tuis meritis ac virtutibus, ut tibi placeam, Amen.

*Quilibet Christianus posset quoti-  
die utilissimè offerre Deo predictam  
gratiarum actionem, aut aliam si-  
milem.*

*Altera Oratione ante Communionem.*

**P**ræsta mihi, piissime Iesu, ut humili reuerentia offeram tibi sanctum Missæ sacrificium [vel, percipiam venerabile Corporis tui Sacramentum,] in memoriam eorum omnium, quæ pro salute mea facere, loqui & pati voluisti. Perficiam hoc purissimè ad gloriam nominis tui sem-  
pi-

Scriniol  
lum Spi-  
rituale.  
Pro tri-  
lucina  
bus

Pro ho-  
sua  
si



Scrini-  
um Spi-  
rituale.

piternam, ad honorem dulcissi-  
mæ genitricis tuæ virginis Ma-  
riæ, ad honorem sancti N. [vel  
N.] ad honorem totius Curia-  
e cælestis; ad salutem meam, ad  
salutem N. [vel N.] ad salutem  
omnium fidelium viuorum &  
defunctorum. Miserere Ecclesie  
tuæ & totius mundi Propter a-  
maram passionem & mortem tuã  
da viuis veniam & gratiam, da  
fidelibus defunctis requiem lu-  
cemque sempiternam, Amen.

*Quando Sacerdos sub sacrificio  
Missæ eleuat sacram Hostiam, potes  
dicere:*

Ad ele-  
uationē  
Hostiæ.

**A**ve salus mundi, Verbum  
Patris, Hostia sacra, vera &  
viva caro, Deitas integra, verus  
homo, Corpus Domini mei Jesu  
Christi. Tu Rex qui me creasti &  
redemisti, miserere mei, Amen.

*Quando Sacerdos eleuat sanctum  
Calicem, dicit:*

Ad ele-  
uationē  
calicis.

**A**ve facer Sanguis Redem-  
ptoris mei, carum pretium  
salutis meæ. Laus tibi Domine  
JESU, qui purum Sanguinem  
tuum fudisti, & mortuus es pro  
me in cruce. Propter bonitatem  
tuam miserere mei, Amen.

*Spiritualis oblatio Hostiæ ad  
Deum Patrem.*

Oblatio  
spiritua-  
lis sacri-  
ficii.

**P**ater cælestis, ego in plenam  
remediationem, expiationem  
& satisfactionem pro omnibus  
peccatis, excessibus ac negligen-

tiis meis, & pro peccatis totius  
mundi [vel, pro peccatis illius,  
aut illorum,] offero tibi hanc sa-  
cro sanctam & venerandam Ho-  
stiam, dilectum Filium tuum Je-  
sum Christum. Suscipe, obsecro,  
hanc oblationem in odorem sua-  
vitatæ & laudem æternam, pro  
mea omniumque salute [vel, pro  
salute ejus, aut eorum.]

*Quando jamjam sumpturus es sa-  
cræ Eucharistiæ, sic ora-  
re poteris:*

**P**le Jesu, ego desidero suscipere  
te sacramentaliter [vel spiri-  
tualiter,] licet non sim dignus ut  
intres sub tectum meum. Propi-  
tius esto mihi peccatori, & aufer  
à me quidquid odisti. Præpara  
tibi gratam & amœnam habita-  
tionem in me. Utinam, Domi-  
ne, utinam ardentissimo tui desi-  
derio & amore flagrarem, tibi-  
que perfectè placerem! Ecce re-  
nuntio omnibus extra te. Veni  
in cor meum, veni, & pascete ipso  
animam meam, eamque reple  
gratia tua, Amen.

Pauld  
ante sa-  
cræ Cœ-  
munia-  
nem.

*In ipsa sumptione Sacramenti po-  
tes hæc verba ruminare:*

**O** bone Jesu, dilecte mi, cha-  
rissime mi. O amor meus,  
dulcedo cordis mei, vita animæ  
meæ! O æternum bonum meum,  
melliflue Jesu! miserere mei. U-  
ni me tibi intimè ad gloriam no-  
minis tui, Amen.

In sacra  
Eucharis-  
tiæ sum-  
ptione.

Sacer-



Scrini-  
um Spi-  
rituale,

Sacerdos postquam sacrificavit, & quilibet postquam sacram Eucharistiam sumpsit, dicat, si vult, sequentem Orationem.

*Oratio post Communionem.*

Post Mis-  
sam vel  
Commun-  
ionem  
Euchari-  
sticam.

**G**Ratias ago tibi, benignissime Domine Jesu Christe, qui me vilissimum peccatorem admittere dignatus es ad splendidum vivificumque sacrae mensae tuae convivium. Hei mihi, quia nimis indignè compleui hoc sanctum sacrificium [vel percipi hoc venerabile Sacramentum.] Misere mei, ignosce mihi. Ego quod egi, commendo mellifluo cordi tuo emendandum & perficiendum, ad aeternam gloriam tuam, & ad salutem omnium. Responde, satisfac & supple pro me plenissime, Amen.

*Altera Oratio post Communionem.*

**P**le Jesu, emenda me, quæso, & ab omni salutis impedimento absolve per hoc præcellentissimū Sacramentum. Innova spiritum rectum in visceribus meis, & largire mihi gratiam tuam salutarem. O dulcissime Domine Deus meus! quid volo præter te? Tu mihi sufficis. Accende, & concema me igne amoris tui. Conformata voluntatem meam sanctissimæ voluntati tuæ in omnibus, meque totum in te transforma ac transmuta, ad laudem nominis

tui. Propter amarā passionem & mortem tuam da vivis veniam & gratiam, da fidelibus defunctis requiem lucemque sempiternam, Amen.

Scrini-  
um Spi-  
rituale,

*Dum aggredieris quidpiam, dicitur:*

**D**omine Jesu, da ut istud faciam, ista loquar, hoc exercitium peragam, ad aeternam laudem nominis tui, sicut tibi placitum est.

*Post opus vel exercitium dicitur:*

**D**omine Jesu, ego hoc quod feci, ea quæ dixi, has cogitationes meas, hoc jejunium meum, has orationes meas hæc exercitia mea, commendo mellifluo cordi tuo emendanda ac perficienda, tibi que illa offero in laudem aeternam, & ad salutem omnium, in unione sanctissimorum operum, verborum, cogitationum, jejuniorum, orationum vel exercitiorum tuorum: hanc modicam eleemosynam per me factam tibi offero in unione pietatis, misericordiae & charitatis tuæ.

*Ista orandi formulæ prescribuntur tyrunculis spiritualibus. Quilibet poterit uti aliis & pluribus vel paucioribus verbis, pro suo affectu: imò poterit etiam sine ullis verbis, sola mentis elevatione intentionem cogitationemque suam dirigere ad DEUM in suis operibus atque exercitiis.*

*Si legi-*



Scrini-  
um Spi-  
rituale.

*Si legisti vel audivisti quidpiam  
boni, dicito:*

Oratio  
vel adspi-  
ratio in-  
ter legen-  
dum.

**D**omine JESU, laudore, & gratias tibi ago pro hac sancta doctrina, [vel pro his salutari- bus verbis] da ut ex eis proficiam, ac tibi placeam. Ego illa Maje- stati tuæ offero in laudem æter- nam, & ad salutem omnium.

*Si aliquid adversi pateris aut  
passus es, dicito:*

In adver-  
si.

**D**omine JESU, ego hunc dolorem, hanc molestiam, hoc impedimentum, hanc tristi- tiam, hoc improprium, hanc tribulationem, hoc gravamen ti- bi offero in laudem æternam in unione dolorum tuorum, tristi- tiæ tuæ, afflictionum tuarum, vel in unione venerandæ passionis tuæ.

*Si cor tuum frigidum & aridum  
est, dicito:*

In aridi-  
tate.

**P**ater cælestis, ego pro frigida & misera cordis mei ariditate, offero tibi fervida desideria ar- dentissimumque amorem cordis dilecti Filii tui JESU Christi: of- fero sanctam devotionem & cha- ritate Beatæ MARIÆ Virginis matris ejus, atque omnium cle- ricorum tuorum.

*Ante sumptionem cibi Oratio.*

Ante  
cibum.

**D**omine JESU, da ut sanctè

& continenter sumam cibum & potum ad gloriam nominis tui, in unione illis amoris, quod tu Deus meus pro me factus homo, cibum potumque sumpisti in ter- ris, ad honorem Patris, & salutem totius generis humani.

*Post sumptionem cibi Oratio.*

**G**ratias tibi ago, Domine Je- su, pro hac refectione corpo- rali quam mihi indigno præstisti. Singulas buccellas & guttas quas sumpsi, offero tibi in lau- dem æternam, in unione illius amoris, quo tu Deus meus pro me factus homo, cibum potum- que sumpisti in terris, ad hono- rem Patris, & salutem totius ge- neris humani.

Post con-  
poralem  
refectio-  
nem.

*Vesperis examinata conscientia,  
& lecto Symbolo Apostolorum cum  
Oratione Dominica ac Salutatione  
Angelica, potes dicere quatuor Pre-  
cationes sequentes.*

*1. Oratio ad JESUM.*

**E**heu, Domine JESU! Pecca- vi, peccavi, & malum coram te feci: miserere mei, quia pius & clemens es. Ego omnia peccata mea omnes excessus ac negligen- tias meas depono in cruenta Vul- nera tua, omnes offensas meas proiicio in abyssum misericordiæ tuæ, ut ibi ad nihilum redigan- tur. Spero & confido in immen- sa bonitate tua. Abluc me, quæ-  
so,

Profectio  
peccato-  
rum in  
Vulnera  
Christi,  
cum pro-  
posito e-  
menda-  
tionis.

B b b

so,



*Scriniolum Spirituale.*

fo, purissimo Sanguine tuo, & plenè emunda. Responde & satisfac pro me. Ecce desidero & propono (te adjuvante) corrigere me. Renuntio omnibus quæ tibi displicent. Conforta me gratia tua Domine Deus meus, Amen.

II. *Oratio ad eundem.*

*Commendatio ante somnum.*

**B**ONE JESU, gratias tibi ago omnibus beneficiis & donis tuis spiritualibus atque corporalibus, quibus indignus sum. Commendo pietati tuæ hac nocte animam meam & corpus meum, commendo hanc civitatem [ vel congregationem. Da ut pudicè & sanctè somnum capiam ad gloriam nominis tui, in unione illius amoris quo tu DEUS meus pro me factus homo, somnum corporale cepisti in terris, ad honorem Patris, & salutem totius generis humani. Peto & desidero, ut singulæ respirationes meæ hac nocte laudem & amorem tibi exhibeant, Amen.

III. *Oratio ad Beatam Virginem MARIAM.*

*Ad virginem Mariam ante somnum.*

**M**aria virgo Deipara, miserere mei, quia pia & misericors es. Impetra mihi veniam peccatorum. Commendo me tibi hac nocte. Protege me, quæso, ab insidiis inimici, ut castè necessarium somnum percipiam ad gloriam Dei, Amen.

IV. *Oratio ad proprium ANGELOM.*

*Scriniolum Spirituale.*

**O** Sancte Angele Dei, Princeps nobilis, custos meus fidelis, miserere mei. Gratias tibi ago pro custodia tua, & pro dilectione, quam mihi indigno exhibes. Domine mi, commendo tibi hac nocte animam meam & corpus meum. Defende me, quæso, ab omni malo, ut in sancta pace dormiam & requiescam, Amè.

*Quando libuerit, poteris valde utiliter legere tres Orationes sequentes.*

I. *Precatio ad IESUM.*

**O** Clementissime Domine Iesu Christe, miserere mei & omnium. Convertite ad te miseros peccatores, ne pereant. Revocate hæreticos atque schismaticos. Illumina infideles te ignorantes. Benefac his qui me unquam injuria aut molestia aliqua affecerunt. Adesto omnibus qui in necessitate & tribulatione aliqua constituti sunt. Adesto fidelibus vivis & defunctis, qui se precibus meis commendaverunt & commendati esse cupiunt. Adesto parentibus, propinquis, & benefactoribus meis. Adesto omnibus pro quibus ego orare debeo & tu rogari vis. Adesto huic civitati, [ vel congregationi. ] Concede, ut sit hic humilitas, pax, concordia, charitas, & continentia & puri-



Scrini-  
um Spi-  
rituale.

puritas. Concede ut omnes dignè emendemus atque corrigamus nos, & timeamus te, & serviamus tibi fideliter, & diligamus te, & placeamus tibi. Visita corda omnium nostrum: da nobis spiritum bonum, & gratiam tuam salutarem. Commendo tibi cuncta negotia spiritualia & temporalia, omnesque necessitates nostras. Dispone & ordina omnia secundum supremum beneplacitum tuum. Præsta mihi, ut quidquid tu vis, hoc velim & ego. Ipsa gratissima voluntas tua sit semper summa consolatio mea, Amen.

II. *Precatio ad eundem.*

Pro remissione peccatorum.

**D**Ele, Domine Iesu, dele omnia peccata mea pretioso Sanguine tuo. Restitue mihi innocentiam quam in Baptismo contulisti: quia nihil tibi est impossibile, & misericors es valdè. Propter bonitatem tuam largire mihi spiritum bonum. Effice me verè humilem, & resignatum, & patientem, & tranquillum, & continentem, & sobrium, & ferventem, & discretum: effice me hominem secundum cor tuum. Da mihi te diligere, amoris vicem reddere, ardentem te requirere, & tibi soli vivere. O utinam! utinam nunquam te offendissem! utinam posthac in omni virtute & sanctitate tibi placerem iuxta voluntatem tuam! Commendo fidelissimè pietati tuæ progressum & finem vitæ meæ. Benedic

Et pro gratia virtutum.

mihi in novissimis meis, & præsta, ut in sancta confidentia, in sancta gratia atque amicitia tua, vitam hanc finiam. Benignè me tunc suscipe in misericordia & bonitate tua. Peto Domine, ad laudem nominis tui, ut anima mea tota munda hinc exeat, & ad vitam æternam perveniat, Amen.

III. *Precatio ad beatissimam Virginem MARIAM.*

**O**Clementissima virgo MARIAMATER DEI, miserere mei peccatoris miserrimi. Multæ & graves sunt iniquitates meæ: sed tu, Domina, responde pro me propter dulcissimam pietatem tuam. Remove à me omne salutis impedimentum. Impetra mihi veram puritatem, & innocentiam, & spiritum bonum. Impetra sanctam humilitatem, & patientiam, & charitatem, & continentiam, & sobrietatem, & confidentiam. Adesto mihi nunc & in hora mortis meæ. Ipsum obitum meum attentius tibi commendo. Benignè me tunc consolare, conforta & protege. Effice tuis meritis, ut anima mea tota munda hinc exeat, & ad vitam æternam perveniat, Amen.

Scrini-  
um Spi-  
rituale.  
Pro felicitate mortis

Pro gratia virtutum

*Dulcia verba ad IESUM, frequenter ruminanda.*

**O**Christe Iesu: tu mihi præsens es, miserere mei. O pie, ô clemens, ô benigne Redemptor!

Adpirationes amorose ad Iesum



Scriniolum Spirituale.

demptor! O spes mea, refugium meum, salus mea unica! O bone JESU, dilecte mi, Charissime mi! O amor meus, dulcedo cordis mei, vita animæ meæ! O serena lux mea, vernans gaudium meum, pax mea suavis! O divitiæ meæ, verum bonum meum, sufficientia mea! O paradise deliciarum, DEUS meus, intende mihi. Peto veniam, peto spiritum bonum, peto gratiam. Emunda, sana, sanctifica me. Doce, illumina, dirige me. Adjuva, protege, salva me. Da ut diligam te toto corde, tota anima, tota virtute. Laus tibi Domine, laus tibi, honor & gloria perennis, Amen.

Monitione.

*Verba hujusmodi ediscenda sunt, ut quovis loco promptè in memoria habeantur, ad ruminandum illa pio & amanti corde in placida simplicitate introversione.*

*Similia verba ad beatissimam Virginem MARIAM.*

Adpirationes ad Virginem Mariam.

O Maria dulcis mediatrix! miserere mei. O pia, & clemens, & benigna mater! O spes mea, refugium meum: consolatrix mea! O virgo suavis, gratiosa, amabilis! O femina formosa, præcellens, sanctissima! O Genitrix Dei, Regina cæli, gaudium Angelorum! O sidus rutilans, liliū candens, rosa venusta! O paradise voluptatis, charissima mea! intende mihi. Peto veniam, peto spi-

ritum bonum, peto gratiā: Doce illumina, dirige me. Adjuva, protege, salva me. Dele culpas, & Maria, placa natū precepta: quia per te patet via ad æterna gaudia. Laus tibi Domina, laus tibi, & honor, & gloria perennis, Amen.

Scriniolum Spirituale.

*Oratio ad quemlibet SANCTVM.*

**A**Ve vernans flos cæli & gloriosè civis paradisi, beate N. Gratias ago Domino pro omnibus bonis quæ in te contulit. Laudo illum, & tibi in augmentum gaudii ac gloriæ offero totius beatitudinis gazophylacium, cor Jesu Christi mellifluum. O Domine mi, ora pro me misero peccatore. Impetra mihi plenam veniam, & spiritum bonum, ac sanctam gratiam, ut Deo perfectè reconcilier, & illi placeam. Adesto mihi nunc & in hora mortis meæ. Ipsum obitum meum attentius tibi commendo. Benignè me tunc consolare, conforta, & protege. Effice tuis meritis, ut anima mea tota munda hinc exeat, & ad vitam æternam perveniat, Amen.

Scriniolum Spirituale.

*Eadem Oratio ad plures SANCTOS.*

**A**Vete vernantes flores cæli & gloriosi cives paradisi, beati N. & N. Gratias ago Dño pro omnibus bonis quæ in vos contulit. Laudo illum, & vobis in augmentum gaudii ac gloriæ offero totius beatitudinis gazophylacium,

Scriniolum Spirituale.



Scriniolum Spirituale.

lacium, cor JESU Christi mellifluum. O Domini mei, orate pro me misero peccatore. Impetrate mihi plenam veniam, & spiritum bonum, ac sanctam gratiam, ut Deo perfecte reconcilier, & illi placeam. Adestote mihi nunc & in hora mortis meæ. Ipsum obitum meum attentius vobis commendo. Benignè me tunc consolamini, confortate & protegite. Efficite vestris meritis, ut anima mea tota munda hinc exeat, & ad vitam æternam perveniat, Amen.

## VI.

BREVIS ET ABSOLUTA  
MULTUMQUE SALUTARIS  
DOCTRINA.

*Continet sex passus ad perfectionem.*

1. Beneplacitum DEI solius duntaxat in omnibus querendum affectionibus, propria verò voluntas in iisdem mortificanda.
2. Amor Dei proximi continuè exercendus.
3. Nulla res creata inordinate amanda: ponit enim medium inter Deum & animam.
4. Conformitas voluntatis cum divina providentia in omnibus qua eveniunt.
5. Humilitatis praeclarum exercitium.
6. Vita & passio Christi diligenter inspicenda.

In omnibus quae DEI beneplacitum, & mortificatio propria voluntatem.

**S**I ad veritatis agnitionem & animi tranquillitatem summamque perfectionem brevi compendio pervenire desideras! oportet ut sis bonæ voluntatis, & nihil magis tibi curæ sit, quam placere dulcissimo Creatori atque

benefactori tuo DEO: oportet ut ipsius Domini voluntatem jugi studio observare & adimplere coneris. Igitur construe tibi per mentis conceptum veluti habitaculum quoddam ex solius divinæ voluntatis materiâ, teque in eo ita conclude, ut in omnibus quæ agenda vel omittenda occurrunt, cogites voluntatem DEI te circumdare, secundum quam semper vivere debes. Proinde nihil aspicere, nihil audire, nihil gustare, nihil aliis sensibus percipere, nusquam progredi, nihil facere, nihil loqui, nihil cogitare aut desiderare velis aliter, quàm DEO placitum acceptumque esse credis. Propter Dei honorem atque amorem resigna & abnega tuam voluntatem quæ inordinata est: mortifica tuas pravas passiones & affectiones: extingue in te omnem propriam quæsitonem & perversum tui ipsius amorem. Quantum enim tibi ipsi & vitiosis propensionibus tuis morieris, tantum vives in DEO: & quanto diligentius ejeceris quod tuum est, tanto abundantius recipies quod DEI est, nempe sanctissimam gratiam Dei, & Deum ipsum. Relinque ergo, abdica & fuge pro viribus ea quæ DEO displicere, gratissimæque ejus voluntati repugnare cognoscis, ut sunt superbia, vana glo-

† Pulchra & usurpanda praxis construendi habitaculi divinæ voluntatis, in quod sese concludat, & velut in voluntario carcere habitet Asceta perfectæ resignationis amator.

Bbb ;

ria,



Scriniolum Spirituale.

2. Exerce semper amorem Dei & proximi propter Deum. Matt. 22

3. Nihil creatum inordinate ama, nec seipsum quidem, sed Deum solum pro amore.

Amoris proprii damna.

ria, odium in proximum, & huiusmodi alia peccata ac vitia.

Dilige Dominum DEUM tuum toto corde tuo, tota anima, tota virtute, juxta gratiam tibi ab ipso datam: proximum quoque tuum [ id est, quemlibet hominem hic viventem ) amachitate sincerissima, benignum, paratum, & benevolum te illi exhibens, cavensque ne eum lædas, aut injuria aliqua afficias. Hæc enim duo maxime vult & unice abs te requirit DEUS tuus.

Palàm autem erit te Deum vere diligere, si nihil terrenum nec etiam teipsum inordinatè amaveris, & nulli rei caducæ, nulli mortali creaturæ per vitiosum affectu adhæseris: si in omnibus quæ agis vel omittis, laudem gloriamque DEI pure quæseris: si voluntatem tuam voluntati divinæ sedulo subjeceris, & quælibet adversa de manu Domini humiliter susceperis, & ea propter illum æquo animo ad finem usque toleraveris, atque ipsius Domini DEI tui bonitati firmissimè innixus permanferis. Ergo separa atque repurga voluntatem tuam ab omni terreno & carnali affectu quantum potes; ita ut neq; te neq; ullâ aliam creaturam in hac vita ames, nisi in DEO & propter DEUM, ames verò DEUM propter seipsum. Nam divinus amor confortium terreni amoris nullo modo pati potest. Unde quantum te transitoriarum caducarumque rerum contagione infeceris, tan-

tum in DEI amorem peccabis, & tantum à vera perfectione excides. Planè, nulla ratione fieri poterit, ut DEO nudè conjungaris atque uniaris, si sensuali & impuro amore implicitus fueris. Nam tot media inter te & DEUM constituis, quot sunt res quas malè amas vel appetis. Itaque omni tempore observa teipsum vigilantia custodia, & terrenis concupiscentiis vitiosisque affectibus viriliter resiste, ac curas nimis anxias inordinatamque tristitiam ab animo tuo repelle. Præterea in omnibus operibus, verbis, cogitationibus, exercitiis & actibus tuis, specta solummodò DEI honorem & gloriam. Summoperè etiam desidera, ut omnes alii homines cognoscant, quærant & ament DEUM.

Postremò opta ex animo & totis viribus ad hoc contende, ut voluntas tua semper conformis sit voluntati DEI. Nunquam recalcitres neque murmures contra DEUM. Suscipe humiliter de manu ejus quicquid in hac vita tibi accidit, quomodocunque etiam accidat, à quacunque creatura proficiscatur: neque enim aliquid sine DEI voluntate & permissione alicui evenit. Et cum ipse DEUS sit summè bonus, non potest nisi quæ bona sunt tibi vel aliis velle. Si permittit te tribulationibus, persecutionibus, tentationibus, angustiis, ariditate obscuritateque mentis, infirmitate corporis, vel quolibet alio

Scriniolum Spirituale.

Medium enim pro me in DEO anima.

4. Refugium est confusio in DEO. Non est proinde in DEO confusio nisi in DEO. Confusio in DEO est in DEO. Confusio in DEO est in DEO. Confusio in DEO est in DEO.



Scrini-  
um Spi-  
rituale.

alio gravamine premi : persuasissimum habe , eum hoc facere ex pura charitate pro salute animæ tuæ. Perfer igitur omnem adversitatem & molestiam , tam internam quàm externam , cum benigna , patienti & tranquilla tui resignatione , propter amorem illius , cuius sanctissima voluntate ac dispositione accidit. Ipse ex summa dilectione omnia nobis tribuit , & in omnibus salutem nostram promovere desiderat , qui de malo pœnæ & culpæ majus bonum , quàm sit ipsum malum , elicere novit.

Fiducia  
inconcus-  
sa in sum-  
mum Dei  
amorem  
& beni-  
gnitatem

Crede inconcussa fide , eundem Dominum DEUM tuum magis amare te quàm tu te ames , & diligentiorum tui curam habere , quàm ipse habeas aut habere possis. Confide in eo plenissimè , te & omnia divinæ ejus providentiæ , sine aliqua hæsitacione committens , omnemque sollicitudinem tuam in eum projiciens. Quantò enim securius te tuaque per laudabilem confidentiam illi commiseris , tantò præsentius adjutorium ab eo obtinebis , sicut utile fuerit.

5.  
Humili-  
tatu me-  
morabile  
exerciti-  
um.

Ceterùm memineris , te nihil eorum quæ dicta sunt convenienter posse præstare , nisi verè hu-

† Sicut sentiunt interpretes S. Pauli Rom. 8. Scimus autem quoniam diligentibus Deum omnia cooperantur in bonum , iis qui secundum propositum vocati sunt Sancti. Ex quo loco S. Augustinus lib. 11. de Trinitate , lib. de Correctione & gratia cap. 9. Epistola 127. Soliloquiorum cap. 18 & S. Bernardus Sermone de fallacia præsentis vitæ docent , peccata Elektorum iis etiam cooperari in bonum.

milis esse studeas. Ut autem faciliùs sanctam humilitatem teneas , contemplantur & considera profunda mente nihilum tuum. Tu enim ex teipso nihil es , quia à Creatore DEO de nihilo factus es : & mox redigereris in nihilum , nisi ille jugiter te conservaret. Jam cum nec esse ex teipso habeas , nec permanere in esse per te ipsum possis ; manifestum est , te ex teipso neque facere neque cogitare quidquam boni posse. Tu ex teipso ad omne malum propensus es : unde si tibi ipsi relinquereris , enormia scelera assidue committeres.

2 Quomodo ergo inflari , superbire , vanè gloriari , & te aliis præferre poteris ? Quomodo te aliquid esse reputabis ? Quomodo vel pilum unum tibi usurpabis de his quæ à Deo accepti sunt ? Tu peccando vilissimum te fecisti , aded ut non sis dignus quem terra sustineat : & justum esset ut omnes creaturæ injuriam , quam Creatori tuo irrogasti , dire ulciscerentur. 3 Hæc recogita : & indignitatem vilitatemque propriam attendens , humilia & contemne teipsum , atque ab aliis etiam contemni non recuses. Libenter exequere infima & abjecta officia vel opera. Demitte te infra omnes homines , & promptè obedi amore cælestis Regis , qui propter te factus est

† Scholastici apud D. Thomam 1. 2. q. 109. & sequentibus fusiè id docent , & Interpretes super Osee cap. 13 Perditio tua Israel ex te , sicut in modo in me auxilium tuum.

obediens

Scrini-  
um Spi-  
rituale.

1. Nihil  
sumus  
aut habemus  
ex  
nobis , nisi  
peccati.

2. Ergo  
non putamus nos  
aliquid  
esse ceterum  
nihil sumus.

3. Demittamur  
infra omnes  
& ad  
omnia infima.



Scriniolum spirituale. Phil. 2. 4. Patienter toleranda adversa. 5. Ea quæ à Deo habentur non mereamur, ergo ob ea non gloriamur.

obediens usque ad mortem. <sup>4</sup> Quantumcunque à Domino vel à creaturis affligaris, serua patientiam. <sup>5</sup> Judica te nec meruisse nec mereri posse aliquid DEI donum: nam ea quæ tibi à DEO collata sunt, non nisi ex mera bonitate ejus accepisti. Nihil omnino tibi tribuas, nisi quod ex teipso habes, videlicet peccata & multiplices culpas atque defectus.

6. Christum semper ob oculos habendum pro exemplo, ut ejus vitam & passionem imitemur.

Inspice diligenter vitam & passionem Domini tui J E S U Christi. Imitare pro tuo modulo ejus humilitatem, patientiam, mansuetudinem, charitatem, benignitatem, aliasque sanctissimas virtutes ipsius. In his sit præcipuum studium tuum & maximus conatus tuus: ita enim ad consummatam perfectionem citò pervenire poteris. Quòd si Dominus eam tibi in hac vita sicut desideras minimè concedit, facit hoc propterea, quòd non expediat ut tibi hinc ita concedatur: mercedem tamen laboris & desiderii tui in cælesti beatitudine cumulatissimè recipies, ibique ipsa perfectione perenniter perfrueris.



## VII.

EPISTOLA  
D. LUDOVICI  
BLOSII.

*Est conclusio Conclavis anima, & in ea relucet pia & dulcis indoles genii & ingenii Blossiani.*

1. Meminit Psychagogia & Consolationis pusillanimum à se conscriptarum.
2. Imperfectos etiam salvabit Christus, quia & pro illis mortuus est.
3. Instabilitas mentis aliqua in omnibus, dum hinc vivimus, invenitur.
4. Patientia in afflictionibus.
5. Vita feliciter emendanda.
6. Beatitudinis commemoratio; in qua merces ostenditur vera resignationis.

**E**N habes, amice in Christo dilecte, G. Conclave anime, quod tantopere efflagitasti. Cùm nuper tibi & mihi scripseris Speculum spirituale, nihil prorsus adjicere statueram: postea tamen animo tuo satisfactum non fuit, nisi adjungerem etiam Monile, & Coronam, & Scriniolum spirituale, quæ omnia Conclave nostrum continet. Serius sanè prælo datum fuit quàm cupiebas: sed boni consules quod DEI dispositione & ordinatione factum est. Quòd si tu, sepositis interdum gravioribus studiis atque occupationibus, lectione simpliciorum libellorum

Epist. D.  
Ludov.  
Blosii.

1.  
In Con-  
clavi-  
anima est  
Speran-  
ciam.

Monile,  
Coronam,  
Scri-  
niolum.



Scrini-  
um Spi-  
rituale.

Vilitas  
doctrina  
Patrum  
in Psycho-  
logia.

Fructus  
libelli de  
Consola-  
tione pu-  
sillan-  
ium.

2.  
Etiam  
imperfe-  
tae sal-  
vabit  
Christus.

lorum à me editorum delectaris, (sicut delectari videris) (suade ut imprimis istud Conclave ingrediaris, & diligenter consideres atque expendas ea quæ in illo habentur; ac deinde sumas in manus etiam Psychagogiam, quam ex Augustino & Gregorio superioribus annis collegi. Nam doctrina Patrum in hisce duobus libellis posita, poterit te bonæ voluntatis hominem multum consolari & confirmare, atque ad Dei patriæque cælestis amorem accendere. Non te pigeat hæc & hujusmodi alia pia scripta sæpius relegere, etiam si ipsa lectio palato cordis tui nonnunquam parum fortè sapiat. Nimis enim fastidiosus est, qui sancta ac salutaria quæque semel lecta vel audita rejicit, & ea amplius legere atque audire non vult. Gratiarum ago Domino JESU, quod frater tuus C. postquam perlegit Consolationem pusillanimum à me in publicum emissam, minus jam inordinato meru angitur quàm antea. Istud relevamen Deo & sanctis Doctoribus, qui in illa Consolatione loquuntur, acceptum ferre debet.

2. Rectè quidem facit, dum queritur ac dolet, quod præterito vitæ suæ tempore nimis grauitè nimisque multipliciter Deum offenderit: respiret nihilominus, & confidat in immensa suauissimaque Dei misericordia, & cogitet plerosque illorum ipsorum, qui Christum occiderant; postea cred-

endo in Christum veniam accepisse ut videlicet mortales omnes discerent, nulla esse tam immania crimina atque flagitia, quæ clementissimus, & adipe misericordiæ plenus Dominus, non velit ad se conuersis vereque poenitentibus remittere. Sanctissimum namque Deum maximè decet, & ei proprium est, misereri ac parcere his qui sese humiliant, veniamque ex animo perunt. Rectè etiam tuus frater confitetur, se semper valdè imperfectum esse: meminerit tamen, imperfectos non minoris constitisse Christo quàm perfectissimos.

3. Illa mentis instabilitas, quæ se interorandum affligi dicit, innumeris Dei seruis communis est. Non est quòd hinc nimis exauescat. Si enim inuitus mente distrahitur, & rationabiliter facit quod in se est ut sit attentus, oratio ipsius in huiusmodi distractione humiliter fusa, sæpè utilior & fructuosior est, quàm si cum magna cordis attentione perageretur. Deus namque desiderium, voluntatem & conatum eius primum approbat, & his alijsque consimilibus molestijs animam eius purgat, aut puram conseruat, atque exornat. Hortare eum semper, ut bono sit animo.

4. Si ipse afflictiones suas, & aduersam valetudinem, qua pænè assidue laborat, patienti resignatoque corde propter Deum pertulerit, certè ubi molestam, tristemque amaramque corruptibili-

Scrini-  
um Spi-  
rituale.

3.  
Aliqua  
mentis in-  
stabilitas  
inest om-  
nibus in  
hac vitæ  
& sæpè  
sine cul-  
pa.

4.  
Afflictio-  
nes pati-  
enti &  
resignato  
animo  
ferenda.



Sermonium spirituale. lis carnis sarcinam deposuerit, læticia sanitateq; sempiterna poteritur.

5. Emendationi vitæ invitandum. Eja, amice charissime, observemus, oro, nos ipsos vigilanter, & ita vivere adnitamur, sicut decet veros Christianos. Transigamus omne reliquum tempus vitæ præsentis utiliter. In cunctis quæ agimus, spectemus purè laudem & gloriam Dei. Amemus Jesum, qui nos ardentissimo immensoq; amore diligit. Propter ejus honore mortificemus in nobis propriam pravamque voluntatem ac vitia pro viribus.

6. Finis vitæ respicienda eterna. Subjiciamus & conformemus nos in omnibus voluntati divinæ. Geramus mentem humilem & resignatam, jugiter desiderantes ac studentes placere Domino. Hac enim ratione tandem pervenimus ad summum illud & jucundissimum bonum: quod ut possidere possimus, ad imaginem Dei creati, & pretioso sanguine Christi redempti sumus. Pervenimus, inquam, ad Deum, qui est amabilis abyssus, & fons totius lucis, vitæ, venustatis, excellentiæ, dulcedinis & opulentiæ. Tunc verè beati erimus, videntes visionem, omnes pulchritudines hujus mundi infinite præcellentem: contemplabimur enim in lumine gloriæ mellifluum vultum Dei, & in eo per suavissimam fruitionem quiescemus, pacemque imperrurbabilem obtinebimus. Tunc inenarrabili abundabimus gaudio, & plenè

satiabimur, Deumque perfectè amabimus ac laudabimus in sæcula sæculorum. O quanta felicitas est, ad claram Dei visionem pertingere! & quanta rursus infelicitas, illa privari, atque in infernum demergi, ibique horribiliter cruciari sine fine! Benè vale in Domino, & ora pro me.

Eximiam illam partem Dialogi D. Henrici Susonis, quæ laudes & utilitates afflictionum explicantur, ac pleraque alia paucis ab hinc diebus inserui Consolationi pusillanimum, ut gratificarer fratri tuo. Is eam facillè sibi comparabit, ubi à Typographo fuerit denuò excusa. Ceterum dicta ipsius Susonis, quæ ad te mitti volebas, hinc jam accipe.

## VIII.

ALIQVOT DICTA  
D. HENRICI  
SUSONIS.

## I. I.

## De amore sæculi, &amp; amore DEI.

1. Misera cecitas hominum, qui DEVM non amant super omnia.
2. Felicitas illorum, qui per amorem purum Deo adhaerent & inhaerent.
3. Amabilitas Dei.
4. Et hic tam amabilis, nos tam inanimè amare dignatur.

Vir



Dida  
Sufonis.1.  
Nulla  
major ce-  
litas, quã  
nō aman-  
tium De-  
um.

**V**IR sanctissimus Dnoque  
charissimus Henricus Sufo,  
deplorās infelicitatem eo-  
rum, qui vano amore impliciti, &  
huic mundo profus dediti, De-  
um salutemque propriam negli-  
gunt, queritur coram Domino  
hoc ferè modo: *Profectò Domine,*  
*res est lamentatione digna, tot cor-  
da sancto amori aprissima, tot præ-  
olaras ac formosas, Deiq; imagine*  
*in signitas animas, qua ex spiritali*  
*secu nito coniugio, Regina & Impe-  
ratrices effici, celoq; & terra domi-  
nanari possent, tã stolidè & impru-  
denter se à te abalienare, atque in*  
*santam vilitatem abicere, ac sua*  
*sponiè perire. Credo sanè, si te*  
*omnium interni obtutus ita cerne-  
rent, uti egote intueor, caducum*  
*omnem amorem è vestigio in illis ex-  
tinctum iri. Mirari satis nequeo,*  
*( licè quondam longè aliter affe-  
ctus fuerim ) posse animum cujus-*  
*quam ulla alia in re, quàm in te va-  
stissima abyssò, ac quiescere.*

2.  
Sicut nul-  
la major  
felicitas,  
quàm a-  
mare De-  
um.

O bonum incomprehensibile, me-  
dullitusq; amplectendum! O dul-  
cissime DEUS, quàm venè agitur  
cum ea anima, qua te unicè amat, &  
quam tu divinis fulgoribus excellen-  
ter illustras, tibiq; viciniùs adjungis  
ac copulas! *Quantam illa ex te ce-  
lestem & mellifluam haurit conso-  
lationem, quanta amoris tui capit*  
*secreta blandimenta!*

3.  
Quam  
amabili-  
Domi:

Tu purissimarum inestimabili-  
umq; voluptatum pelagus es im-  
mensum. *Quidquid amabilitatis,*  
*decoris, pulchritudinis ulla ratio-  
ne potest cogitari, id omne in te ul-*

*tra omnem modum reperitur. Ni-  
hil jucundum, nihil gratum aut*  
*plausibile ulla in creatura potest in-  
veniri, quod non purissima qua-  
dam ratione infinite copiosius & ex-  
cellentius in te existat. Quoties ego*  
*rerum pulchrarum species conspi-  
cio, cum calum, terram, silvas &*  
*campos, universumq; mundum a-  
nimo perlustro, & cuncta hæc vi-  
dentur mihi hujusmodi vocibus com-  
pellare cor meum: Pensita, quan-  
tùm ille amabilis & formosus sit,*  
*qui condidit nos, qui est totius pul-  
chritudinis fons.*

O Domine **† ESU**, quid exul-  
tationis ex te accipio? Certè dum  
cogito, me abs te celsissimo DEO  
amari, quidquid intra me est, præ  
gaudio colliquefcit. Prorsus ob id  
ego ex animo letor, quod tu usq; ad eò  
bonus es, quodq; meus es amicus, uti  
piè spero & confido.

† Praxis ista crebra est apud S. Augu-  
stinum, citante R. P. Ioanne Lorino super  
Psalmum 59. ubi clamant creaturæ: *ipse fecit*  
*nos, & non ipsi nos.* & idè omnes creaturæ  
de Deo inelamant homini: *Hunc amemus,*  
*hunc amemus. Amemus pulchrum à quo omnia*  
*pulchra.*

## S. I I.

## De Passione Dominica.

1. Optimus modus considerandi Passionem  
Domini, ut virtutes in ea fulgentes imitemur.
2. Bonus valde & ille, quo ei copatimur: aut  
ob ejus beneplacitum ipsam, quamvis arido corde  
ruminamus.
3. Attenta meditatio passionis à panu Pur-  
gatorii præservat.
4. Methodus in Passionis meditatione obser-  
vanda, quatuor articulis comprehensa.

**I**DEM Sufo in Dialogo introdu-  
cit Sapientiam æternam, vide-  
licet



Dicta  
Susonis

Passio  
Christi  
confide-  
randa  
propter  
imitatio-  
nem vir-  
tutum  
Christi  
patiens.

2.  
Et piam  
compas-  
sionem.

3.  
Prafer-  
vat apur-  
gatorio  
pia reco-  
gitatio  
Passionis  
Domini.

licet Christum **JESUM**, collo-  
quentem de passione sua cum Mi-  
nistro suo, ita: *Mihi longè gratius  
est cor hominis, si omni caduco a-  
more sit vacuum, atque ad imitan-  
dum vita mea præclarum exemplar  
perpetua sedulitate intentum, quàm  
si continuis me prosequatur lamen-  
tis, totq; fundat lacrymas, quot un-  
quam pluvia gutta ex aëre defluxe-  
runt. Siquidem acerbissima mortis  
perpeffione hoc potissimum spectavi  
& volui, ut me homines imitarentur:  
quanquam & pia lacryma mihi cum-  
primis accepta sint.*

Si tu ipsam passionem meam a-  
mantissimam humescentibus oculis  
commemorare non potes, facias ni-  
hilominus jucundo animo, ob bona  
immensa qua ex illa capis. Quòd  
si nec hilariter nec lacrymabundus  
eam cogitare potes, vel arido saltem  
corde in mei laudem eam percurras.  
Ita enim non minùs gratum mihi  
prestiteris obsequium, quàm si pra-  
lacrymis & dulcedine totus colli-  
quesceres. Nam hac ratione opus  
efficis ex amore, nihil te ipsum spe-  
ctans.

Ut verò eadem passio mea magis  
tibi cordi sit, eiq; plus afficiaris, au-  
di qua dicturus sum. Anima qua  
se multis obstrinxit peccatis, pote-  
rit ipsius passionis meae thesaurum  
adeò ad se adungere sibiq; appli-  
care, & ut etiamsi vel mille annis  
punienda sit in Purgatorii locis, bre-  
vi tempore & culpam & penam om-  
nem dissolvat, ita ut absq; Purgato-  
rio libera commigret in calum.

Debet autem id fieri hac ratione,  
1 ut quis corde contrito, sæpè &  
graviter magnitudinem ac multi-  
tudinem immanium peccatorum  
suorum, quibus tam irreverenter of-  
fendit oculos caelestis Patris sui, ex-  
pendat ac ponderet; 2 ac deinde  
proprie satisfactionis opera non qui-  
dem omittat, sed parvipendat;  
utpote qua cum ipsis collata pecca-  
tis non plus sint quàm aquae guttu-  
la una erga mare unversum: 3  
mex verò satisfactionis immensita-  
tem mirificè evehat ac extollat; quã-  
do vel minima pretiosi Sanguinis  
ex toto corpore meo undique largiter  
nimis manantis gutta, etiam mil-  
le mundorum peccatis delendus suf-  
fecisset: 4 quanquam nihilominus  
satisfactionis hujus meae tantum  
quisq; sibi applicet & ad se trahat,  
quantum se mihi compatiendo con-  
format, atque quatenus sua satis-  
factionis exiguitatem in meae expia-  
tionis infinitatem humiliter & obni-  
xè demergit.

† Quando videlicet ad est actus chari-  
tatis tam intenzæ, ut deleat reatum peccati.

### S. III.

#### De Sacra Eucharistia.

1. Excellens dignitas Eucharistia.
2. Totus Deus & homo Christus in ea percipi-  
tur, id est, Divinitas, Anima, & Corpus Christi.
3. Bonus vita, malus mors & exitum.
4. Nulla creatura potest eam digne susci-  
pere: sed sufficit Deo, si cum gratia Dei id face-  
re conerit quod potest, ut eam digne percipiat.

In illo eodè Susonis Dialogo in-  
carnata Sapientia verba faciens  
de sacra Eucharistia, Ministro suo  
ait: *Minimum ex me proficiens  
donum*



S. I V.

Diſſa  
Suſonis

donum in venerabili Sacramento, longè ſplendidius in omnem eternitatem fulget ac radiat, quàm ullus Solis huius viſibilis ſplendor; multoq; eſt illuſtrius atq; micantius, quàm lucifer iſte conſpicuus. Deniq; ſempiterno quodam decore ac pulchritudine longè præclariùs te exornat, quàm ulla unquam eſtas, quàmlibet amœna, terram ornaverit.

2.  
Tui in  
ea Chri-  
ſtu Deu  
& homo

An forſitan dubitas, illuſtriſſimam Diuinitatem meam quouis Sole fulgentiorem, & præclariffimam animam meam quàmlibet ſtellâ micantiorem, atq; glorioſum corpus meum quantacunque eſtatis amœnitate delectabilius eſſe? qua quidem reuerà percipis in Euchariftia.

3.  
Pii vi-  
ta; impij  
exiliij.

Ego p̄ys & benè preparatis ſum panis vite & at indignis, qui voluntate vel actione in mortiferis peccatis perſeuerant, plaga ſum temporaria, æternaq; execratio: hos certa damnatio manet, niſi per veram penitentiam mihi reconcilientur.

4.  
Nemapo-  
teſt ea  
dignus  
eſſe: Deu  
tamen co-  
natum no-  
ſtro con-  
ſeſi eſt.

Sanè etiam ſi quis ſit Angelorum omnium naturali puritate præditus, Sanctorumq; omnium integritate ac ſanctiſſima conſpicuus, & mortalium omnium bonis operibus ornatus, nec ſic tamen me percipere in Sacramento dignus foret. Sed cum facit homo quod poteſt, nihil ab eo ultra exigitur; ſiquidem id quod illi deſt, ego ſuppleo. Præſtat verò ex amore accedere ad hoc venerabile Sacramentum, quàm ex timore abſtinere.

De reſignatione, abnegatione, & mortificatione ſui.

1. Perſectio non in conſolatione locatur, ſed in vera abnegatione & reſignatione in voluntatem & beneplacitum Dei.
2. Deu nunquam deſerit humilem fiduciam in ſua bonitate fundatam.
3. Abnegatio ſui, radix omnium virtutum.
4. Opus cum proprietate factum exigui valoris eſt.
5. Dei voluntas in omnibus ſit ſcopus & intentio mentis noſtra.

Sus o item inſignes hæſce ſententias de reſignatione & abnegatione ſcribit: *Perſectã vitã non in eo potiſſimum ſua eſt, ut conſolatione abundes; ſed ut voluntatem tuam diuina permittas ac reſignes voluntati, tam in amaris, quàm dulcibus; humiliterq; obtemperes, & ſub mortalium omnium veſtigis te reponas ac ſubmittas. Ipſi ſupremo ſpiritu Angelico nihil ſuauius eſt, quàm in omnibus diuine ſatisfacere voluntati: adeò ut, ſi noſ ſer ad Dei cedere laudem, \* ſi urticis & alia ſizania extirparet, hoc præ omnibus cupidiffimè exequeretur. Nulla eſt perfectior & excellentior reſignatio, quàm in ſua derelictione eſſe reſignatum: neque eſt quòd quis admodum prægraueretur, ſi parum experiatur ſpiritualis dulcedinis; cogites potiùs ea ſe indignum: Vera in omnibus tum certis tum in certis rebus reſignatio ſui in voluntatem DEI, hominem proculdubio extra caſus & pericula omnia eripit, atq; in omnibus vera eum pace gaudere facit.*

1.  
Non in  
conſola-  
tione, ſed  
in abne-  
gatione  
ſua eſt  
vera per-  
ſectio.

\* O ad-  
miran-  
dum! a-  
gelicæ  
reſigna-  
tionis  
exemplum!

Tanta Dei honeſtas & benignitas eſt, ut nulla poſſit ratione unquã illi deſerere, qui poſſit ex animo boni-

2.  
Deu non  
deſerit  
piam fi-  
duciam.



Dicta  
Sufonis

3.  
Radix  
Virtutis,  
abnega-  
tio sui.

nitati ipsius confidere, seq; totum ei  
permittere ac resignare.

Vera sui submissio & depressio ac  
abnegatio, virtutum omnium, & to-  
tius salutis ac beatitudinis radix  
est. Dolet profecto sapientem ac e-  
loquentem esse, & nihilominus in si-  
lento sese continere, ab aliis vili-  
pendi, irrideri, injuriis affici, audire  
calumnias & obrektiones, nec se-  
tueri & ulcisci: hominem pruden-  
tem ac honoratum vitioso ac nullius  
existimationis homuncioni cedere,  
ne contradicere; atqui hoc plane est  
per sui abnegationem conformari  
ad Christi praclarum exemplar.

Quamvis in ferenda afflictione non  
semper aequè resignato simus animo,  
non propterea spes salutis ablata est,  
nec DEI gratia amissa; modo ne  
pertinaci animo adversus DEVM  
calcitemus ac rebellemus.

4.  
Opus ex  
propria  
volunta-  
te exigui  
meriti est

Opera, exercitia, & instituta  
cum proprietate, siue ex propria vo-  
luntate peracta, quamlibet grandia  
videantur, parvi tamen momenti  
sunt, quamdiu illis abnegatio & re-  
signatio conjuncta non est.

5.  
Scopus  
omnium  
actionum,  
benepla-  
citi Dei.

Hominem rationis compotem ope-  
ra sua agere decet, non ex naturali  
propensione vel appetitu, instar pe-  
cudum natura impulsum sequen-

rium, sed cum ratione in DEI lau-  
dem & ob DEI amorem, adeo ut nus-

quam suum privatum commodum,  
suam delectationem, sui exaltatio-  
nem, suam mercedem capiet, sed so-  
lum Deum; ita abnegare, mortifica-  
re & relinquere nos ipsos debemus, ut  
vilipendi & adversa propter Deum  
perpeti neutiquam recusemus; ac  
linguam sensusq; nostros sedulo re-  
fruemus, & nihil cum inordinata  
delectatione possideamus, aut appe-  
tamus. Ut auri lamina oculis im-  
posita non minus impedit visum,  
quam lamina ferri: ita & instabili-  
bus mortalibusq; creaturis omnibus,  
quantumcumq; nobiles sint, renun-  
tiare, & eas ex animo remove-  
re, si praestantissimum bonum  
illud, quod Deus est, percipere vole-  
mus. In vera abnegatione, tota  
perfectionis summa consistit: sine  
qua nemo proficere valebit, quoquo-  
se verterit. Praestet nobis omni-  
potens Deus, ut indefesso conatu  
nos ipsos perpetim abnegare, mor-  
tificare, relinquere, resignare,  
exire, & nihilipendere

studeamus, A-

men.

\*\*

••

